

東廣  
瓊  
州  
府  
瓊  
山  
縣  
志



瓊山縣志卷之五

建置志五

壇廟

社稷壇宋元建在城西南明洪武二年知府宋希

賢遷於城西北正德六年副使劉浩知府王子

成重修康熙二十七年同知潘廷侯重修乾隆

四年知縣杜兆觀重修

舊志

其主以木為之高

二尺二寸廣四寸五分厚九分座高四寸五分

闊八寸五分厚四寸五分皆硃地青書今易以

石風雲雷雨山川壇同

風雲雷雨山川壇宋元在城東北明洪武建於南

橋外乾隆四年知縣杜兆觀移建於城西北隅

南向上全

先農壇在東郊外藉田四畝九分原定稻穀一十

七石二斗五升但瓊地瘠歲收穀僅六石五斗

尚欠穀一十石七斗五升係瓊山印官捐賠通

年支穀一石四斗為粢盛種子外餘積貯五年

一糶部定價每石銀四錢五分歲支穀價四兩

六錢九分二厘辦祭壇後祠屋三間廂房二間

大門一間雍正六年知縣楊仙椿奉文建設乾隆

十一年知縣楊宗秉重修上全

神祇嘗不另為壇在藉田上全山川社稷壇舉祭

上全

厲壇在城東北一里明洪武三年知府宋希賢創

建道光十四年奉裁舊志增損

府城隍廟宋元時在西關明洪武二年知府宋希

顏移建府治東南成化間知府蔣琪遷府治東

正德十四年知府曾大慶遷府治西南縣署之

東萬厯間署府事雷州府推官高維嶽又遷今

道署東以舊廟為海忠介公專祠崇禎十七年

學正林汝翥知府張允佳瓊山知縣李琦復遷

還舊廟而以道治東廟為海公祠後圯 國朝

乾隆三十九年知府蕭應道重修志

按洪武二年禮官建言以為城隍之祀始於

唐郡志引之非也考太平府志城隍廟在府治承流坊吳赤烏二年創建是三國時已有之矣又北齊慕容儼鎮郢城城中先有神祠俗號城隍神本北齊書梁武陵王紀祭城隍神將烹牛有赤蛇繞牛口本隋五行志是南北朝時又有之矣謂始於唐者偶未及檢耳又恭惟明神懿皆潛德城池是保民庶是依乃開元十五年張曲江祭洪州城隍文而志稱為燕公祭荆州城隍疑亦有誤姑誌之候考

縣城隍廟

康熙十四年知縣茹鉉建在府城隍

右康熙二十三年知縣朱玘移近縣治東街康

熙四十四年知縣王贊重修乾隆四年颶風損壞知縣杜兆觀重修乾隆十年知縣楊宗秉重修三十九年知縣汪壘重修道光十五年知縣

張德尊率紳士建修

舊志增

旗纛廟在衛治左久廢今附於教場演武亭

舊志節

風神祠在東關外迎春館後明萬曆四十五年重

建天啓七年圯 國朝雍正十二年奉頒神號

及匾額乾隆四年副使王公元樞太守李毓元

知縣杜兆觀就原廢址建復廟宇乾隆十一年

知縣楊宗秉重修嘉慶二十三年移於城東北

隅子粟泉左文昌閣舊址

舊志增

查風神靈山梁公十賢四祠向無祭銀乾隆

九年知縣楊宗秉詳准酌減本縣儒學丁祭

銀八兩九錢九分八厘遞勻為四祠辦祭之

需每祠歲支銀二兩二錢四分九厘五毫舊志

龍王廟在城東北金粟泉上二蘇祠舊址乾隆十

七年巡道德明率屬捐建五十八年知府葉汝

蘭重修邑紳吳瑾董其事郡志增

火神廟在城南文昌宮左道光二年知府史祐建

文昌宮在城東北浮粟泉左嘉慶十四年知府張

增捐建二十三年巡道左輔率紳士捐貲移建

於城南一里圓通寺左以拔貢生王天祐董其



事郡志

闕帝廟舊在府署左海南衛右明宏治初遷於抱  
珥山今道署右卽所謂瓊臺也萬曆十三年太  
守周希賢創正廳四十三年太守謝繼科建大  
門牌坊四十五年推官傅作霖增築後臺并建  
聖母祠國朝康熙十年巡道范養民太守牛天  
霍重修三十一年巡道黨居易重修五十一年  
巡道申大成捐貲千金修建乾隆四年六年颶  
風損壞知縣江日暄重修九年副使謝樞總兵  
黃有才知府于需知縣楊宗秉協捐移建於舊  
府學宮之東南北二十五丈東西八丈五尺後

殿三楹正殿三楹兩傍廊房十間大門五間戲臺一座另守廟人住房五間在大門內東廊房後抱珥山舊廟遂廢未幾郡人稱改建不利二十二年巡道張介祺復建還舊址其在城東者爲東關帝建還者爲西關帝今東西二廟並列道光十五年東武廟損壞護道張培春總兵謝得彰率屬捐修

舊志增

天后廟在海口所元建明洪武間累葺商人譚海清等建後寢三間築觀音山及塑諸神像國朝雍正七年監生陳國安生員楊鳳翔等募建大門三間十二年知縣鮑啓泌詳准在海口關

稅內支擔規銀四兩四錢辦春秋二祭乾隆十一年陳國安復募建廟前舖屋十間歲收租銀以供香火

舊志增

妃姓林氏福建莆田人都巡林公愿六女宋宣和中朝廷遣使臣航海中流遇風賴神以免使臣路允迪以聞紹興丙子封靈惠夫人壬子加妃號元以海運足國加封天妃明洪武間革百神號惟存其始封永樂建國幽燕資海運己丑詔中貴鄭和建廟於儀鳳門太常少卿朱焯齋祝封神爲護國庇民妙靈昭應宏仁普濟天妃 國朝加封爲天后出處見

靈著錄封爵詳類稿北京天如宮記迄今渡

海往來者官民必告廟祭卜而後行靈異甚

著舊志

昭忠祠舊志在城隍廟西廊以祀陣亡官兵鄉勇嘉

慶八年奏准另立專祠後圯道光十四年署遊

擊何朝亮倡率郡城文武捐俸移建鎖鑰門外

大慈寺左巡道張培春有記郡志

忠義孝弟祠在縣學宮之左雍正二年署縣趙光

緒奉文建設乾隆四年六年疊遭颶風傾圮十

年知縣楊宗秉捐建原與名宦共祠道光二十

八年巡道黃宗漢移建於名宦祠前舊志增損欽遵

雍正元年

恩詔查明應入祠祀之人製造木主安奉祠內共二十

四位

舊今查祠中牌位名數尚存十二位志合載於下而書增補二字以別之

宋

謝明宮冉安國

元

周紹仁

明

榮瑋

王鄴信盤張可載

增補

唐李廷茂

陶英徐福

楊林昌運

國朝

鄭存禮朱奕

增補

吳位和

節孝祠在縣學宮之左雍正二年署縣趙光緒奉

文建設乾隆四年六年疊遭颶風傾圮十年知

縣楊宗乘相建原與鄉賢共祠道光二十八年

巡道黃宗漢移建於鄉賢祠前舊志欽遵雍正

建置五 增廟 大

元年

恩詔查明應入祠之人製造木主安奉祠內共三十六

人舊志

唐符鳳妻玉英

元王和妻蔡氏

元閨女唐五妹

明屠經側室畢氏

明許揮謙妻陶氏

明閨女陶金娘

明謝應昇妻韓氏

國朝王賓妻吳氏

黃世賢妻尹氏

屈氏失其夫姓名

張元璐側室楊氏

王尙策妻李氏

李稔魁妻趙氏

林學文妻王氏

周璧妻葉氏

馮兆英妻王氏

洪嘉素妻黃氏

周乘穹妻潘氏

吳蔭昌妻高氏

陳今興妻吳氏

陳宏謨妻符氏

馮偉運妻吳氏

吳毓奎妻伍氏

陳 熾妻王氏

陳宏藝妻曾氏

吳有要妻陳氏

楊朝選妻劉氏

陳宏綽妻鄭氏

許世華妻馮氏

周建賢妻盧氏

陳錫英妻周氏

陳邦祚妻劉氏

黃元先妻陳氏

羅輝斗妻黃氏

林 茂妻唐氏

吳希聖妻陳氏

漢二伏波廟在教場演武亭西明萬曆四十五年

副使戴燿創建以祀路馬二伏波將軍有記後

圯 國朝康熙五年分巡道馬逢皋復創建於

北關外教場右三十七年商人陳國龍復修雍

正八年郡城文武捐修

舊志

呂祖祠在城北鎖鑰門外大慈寺右嘉慶十二年

知府張增建有記二十年知縣萬鼎琛重修原

置雙簪田一契交大慈寺僧收租以供香火詳

載碑記

郡志

蘇文忠公祠在城西社稷壇之東南隅舊在城東

門內康熙癸未巡撫彭鵬命雷瓊道副使黃圃

材知府賈棠同知姚哲移建於此與明邱文莊



公濬海忠介公瑞三祠並列蘇祠居中邱祠居左海祠居右外繚以垣而各爲一門每歲祭以

上下道光十年知府普輝倡紳士重修

舊志增

邱文莊公祠在城西社稷壇之東南隅原在景賢祠與蘇公合祀康熙癸未巡撫彭鵬命雷瓊道副使黃國材知府賈棠同知姚哲捐建於此與朱蘇文忠公明海忠介公祠並列爲三每歲祭以上下道光十年知府普祥倡捐重修

全上

海忠介公祠在城西社稷壇之東南隅原在城內係舊城隍廟明萬厯間署府事雷州府推官高維嶽申請爲特祠以祀康熙癸未巡撫彭鵬命

雷瓊道副使黃國材知府賈棠同知姚哲建祠  
於城西社稷壇右與蘇文忠公邱文莊公祠並  
列爲三每歲祭以上下道光十年知府普祥倡  
紳士重建

上全

十賢祠在城東門內舊爲東坡祠後附祀郡守王  
伯貞徐鑑二公明成化間知府蔣琪於學宮舊  
址建祠尊祀王徐二賢宏治初知府張英遷祠  
於兵備道署右十年提學僉事宋端儀祀二公  
於郡學仰止堂正德辛巳兩學生員呈請與漢  
路博德等十七人一體例祀易祠名曰先賢後  
仍以十七人祀郡名宦而於王徐二公祠內附

八憲副游公璉名曰三賢祠嘉靖間士民請附  
祀太守張子宏又名四賢祠萬厯戊午士民請  
以原任太守史朝宜附祀改爲五賢祠每年丁  
後致祭後增祀學道胡公訓魏公成忠知府李  
公多見蔣公一鴻更名九賢祠歲久傾圮祠宇  
無存康熙癸未知府賈公棠建蘇邱海三公祠  
因附建於三祠之左又因士民蕭元長等公請  
增入原任鎮守瓊州總兵王公起龍附祀名爲  
十賢祠

舊志今復圮

景賢祠在北門外卽奇甸書院故址邱公常讀書  
於其中向祀宋蘇文忠公軾明正德間禮部尙

書劉春以邱文莊公潛著書垂訓有裨後學奏請與蘇公合祀詔賜額名景賢祠每歲丁祭嘉靖副使何元述復修萬厯副使蔡夢說知府翁汝遇以文莊孫爾毅爾懿請遷於社稷壇之東南隅 國朝郡守佟湘年移祀蘇公於金粟原祠此祠專祀邱公康熙癸未巡撫彭鵬命特建蘇邱海三公專祠而景賢遂廢知府賈棠因捐俸復建景賢祠於奇甸故址祀蘇邱二公外增祀唐太尉李公德裕宋宰相趙公鼎宋學士胡公銓任公伯雨李公光李公綱使千載下知此數賢謫宦於此瓊藉以增重而不失景仰之意

舊志今地

梁忠烈公祠在西關外祀梁公思泰有祀生雍正

七年副使王璠知縣楊祖椿重修

舊志

江張二公祠在海口城外天后廟右江公名起龍欵

縣人正直剛勇勤勞王事任海安所副將屢剿

海寇瓊境賴安康熙五年七月提兵出洋巡視

遇颶風覆舟公英靈不泯每風雲陰霾顯靈海

上往來舟楫多賴護庇康熙二十六年郡守佟

湘年詳請兩院建祠祀之配饗則濟南張公瑜

也康熙二十年海寇楊二謝昌踞海口城公時

爲虎頭門副將統兵赴援獲船馘賊救回被擄

男婦甚眾同時有商人謝謙殺賊殞命瓊人賴其力稍緩賊勢稱爲義士又有倉大使崔祥隨巡道范養民出郭禦賊遇害俱附祀於廟雍正九年布政司黃仕俊奏請封號

欽定爲英佑驍騎將軍之神行商陳國安楊翔鳳黃河清河良珍等募金卽舊祠重修大門增建牌坊雍正十年知縣鮑啟泌詳准卽本縣城濠租銀內支辦春秋祭品學使翁方綱有記歲久漸圯乾隆三十八年合郡官紳商民公捐重建知府蕭

應植有記

舊志增○按濠租今人不徵收

北帝廟卽真武廟原建城中後移城北譙樓上雍正

正五年太守宗公思聖重修神像撥奉裁天主

堂苗田三丁以爲常任

舊志

晏公廟在小北門內元封神爲平浪侯鄉人至今

祈禱

舊志

謹按神姓晏名成儒江西清江鎮人濃眉蛇  
髯面若黑漆生平疾惡如探湯人少有不善  
必曰晏公知否元初以人材應選爲文錦局  
堂長謝病歸登舟卽逝時靈顯於江河湖海  
舟行遇風叩之卽浪平風息明洪武初有司  
以其事聞詔封爲顯應平浪侯江淮間香火  
甚盛邱文莊屢禱有應建廟於下田村祀之

國初移建於子城小北門內

馬王廟在子城內馬鞍街其廟原係鍾司徒芳屋

宇 國朝順治九年總兵高進庫改建今與火

神並祀

舊志增

華光廟在小北門外歲以九月二十八日有司致

祭

郡志

孚惠伯廟舊名潘天仙祠卽東湖神君廟在城東

十五里博茂都相傳宋時有巨室潘姓居此一

夕飛昇去其宅遂陷爲湖官民立廟湖上祀之

元時天旱湖中有物柱立高十餘丈須臾而仆

其聲撼地不二日大雨後歲旱請水祈禱輒應



廟久圯 國朝康熙四十五年知縣王贊重建

歲撥湖租銀四兩入廟支用雍正七年知縣楊

仙椿修乾隆四十二年知府蕭應植修有記嘉

慶十年巡道海祥修碑記尙存道光四年歲大

旱聞郡宮紳禱於廟雨立至邑人李流芳等具

呈巡道周鳴鑾知府呂子班詳請封號五年奉

旨勅封孚惠伯歲以五月上辰日致祭郡志

靈山廟在靈山宋元建祀靈山香山瓊崖定邊通

濟班帥六神明洪武三年例勘該祀神祇知府

宋希顏以其能興雲雨禦災患奏入祀典以三

月九日致祭新官必先謁祀是日忌雨成化間

副使涂斐禱雨輒應始大其廟有記萬曆壬子

郡守翁汝遇重修改向俯瞰長江郡守歐陽璨

築外垣墻通判潘大熙撥入田米三石推官傅

作霖撥入田米四石省祭郡志謂省祭未詳何官陳九叙

捐入田米三石原派張吳英岳振文鍾秀英華

民夫修理祠宇及應接各官謁祀康熙乙酉年

臬司黃國材雷瓊道焦映漢瓊州府賈棠重修

雍正七年知府宗思聖修乾隆七年知縣江日

暄重修并捐置張吳田一坵租米六升八年署

知縣左鵬捐置張吳都田二坵租米八升八合

十年知縣楊宗秉捐置振文都柄杓瓊秀田二

坵租米九升三十年知縣汪屋捐置田種一石

按年收租以供香火舊志

以上壇廟祠宇三十二所除十賢景賢二祠

已圯外其餘三十所每春秋二仲或誕節皆

官致祭詳卷九 祀典類其中如文昌關聖祠廟別見

及一切里閭募建神號不在祀典者均附於

後

文昌宮在西關內總兵署右原進士楊愷故宅生

員許一卿王之乾等買建順治己亥總鎮長子

高明魁修旋場里人黃鼎捐募重修置田一丁

半米四斗六升又置縣前東西舖屋二間南門

外舖屋二間後圯 國朝乾隆三十年邑紳吳

位和倡眾捐修又置道前舖屋二間現每歲收

租銀為奉祀之費 舊志增○以下俱舊志

文昌祠在小西門原黎婺廟基鄉官廖士衡王鉞

同眾改建範賢義學祀朱呂二公明萬曆乙巳

地震傾圮四十五年鄉官盛尙志王一造合眾

捐建文昌閣有記久廢地址猶存

國朝嘉慶二十年邑紳伍鳳翔符顯鐸等倡捐改建

北向道光八年邑紳林瀛等呈請知縣蘇榮仍

改為範賢義學咸豐四年邑紳鄭貞於祠之左

倡建客堂二間祠後原有舖屋外內五間歲收

租爲香火費舊志增

文昌祠在文峯塔前康熙四十七年知縣王贊建

塔勢孤矗是祠配之正殿三楹兩廊六楹塔傍

茶亭塔後觀音堂各三楹又捐置田七丁養濟

僧人買舖一間租銀六兩以供祭祀有碑其田

坐落麻長文貢村米若干詳除糧訖道光五年

知府呂子班倡捐與塔並修邑紳符魁泰陳瀛

董其工役舊志增

按祠於郡爲丁位形象謂其文昌文塔兩兩

相映足以納離火而助文明本志則此祠亦

闔郡文風所係今其堂基如故郡憲呂公且

率眾捐修與浮粟泉左一祠兩不相涉郡志稱其移此以就彼誤

宋二蘇公祠在城外東北金粟泉上卽粟泉書院舊址明萬曆四十五年副使戴熺復得雙泉建祠於此以宋蘇文忠公及弟文定公同祠題其額曰高山仰止有記 國朝順治初同知馬光修康熙七年左營遊擊易知修有碑二十五年

丙寅知府佟湘年重建乾隆十年知府于需知縣楊宗秉因建蘇泉書院重修十七年改建爲龍王廟三十九年巡道陳用敷建復蘇泉書院五十八年知府葉汝蘭重修並祀二蘇於其中

今仍之舊志增

按郡憲于公邑侯楊公創建書院合重修蘇祠二進堂舍共四十七間東西二帶俱有正間並回廊乾隆十七年將堂廳改祀龍王二蘇牌位尙有西偏齋舍五間即今建東坡書院處可以安置必不因改一正祠卽并其偏厦而毀之使二蘇無祠祀之所郡志謂蘇祠毀後得公石像者復建祠於舊址之右以祀公似屬失實附識於此以備查

雙泉祠在城外東北浮粟泉上昔人建以祀二蘇先生暨明太守翁公汝遇者也康熙四十五年

太守賈公棠臨高知縣樊庶重修副使黃國材  
有記乾隆十年太守于公需知縣楊宗秉重修  
郡志無雙泉祠而有翁公祠翁公祠卽雙泉  
祠也前三楹舊祠二蘇後三楹則後人重修  
合二蘇翁公並祀故其祠仍曰雙泉不專屬  
之翁公今依舊志存此而翁公祠不復載

藥王廟在城北五里亭西乾隆五年知縣杜兆觀  
倡率士商捐建廟一座三楹厨房一間延習醫  
一人居住調養孤貧疾病乾隆七年知縣江日  
暄詳准撥定安解司充公榔羨銀三十六兩七  
錢一分二厘臨高解司充公榔羨銀一十六兩



六錢四厘一毫。通年奏銷。屆期解瓊山縣支給藥餌口糧之需。乾隆十一年知縣楊宗秉捐俸增建向北迴廳三間。兩廡廂房各三間。捲篷一間。大門一間。顏曰普濟堂。道光五年署知縣張德馨重修。今廢。

舊志增

龍廟在郡西二十里。博崖都宋建廟。前有井。傍有湖水。自龍口流出。由井入湖。大旱不涸。康熙十九年遇旱。巡道范養民步禱於廟。甘霖立應。因捐貲修其廟宇。有碑記其地景致甚幽。明參政鄭廷鵠致仕讀書於此。所建翊正祠遺址尙存。

舊志增

柔惠廟在城大西門祀誠敬夫人馮洗氏副使鄺

彥譽重修

謹按夫人姓洗氏高涼人高州太守馮寶妻  
以保障嶺南功陳初冊爲石龍郡夫人隋再  
冊爲譙國夫人卒謚誠敬事詳隋書列女傳  
然則石龍譙國乃其封也誠敬乃其謚也今  
俗稱懿美夫人又稱正順夫人而廟號柔惠未  
知何昉

南宮廟在南橋前祀火雷子孫泰華三夫人後祀

白衣大士順治間僧寂德募建貢生馮侯勒石

並祀里中名賢吳垣齋陳秀卿唐必周陳汝中

四先生

今每坊並有此廟不可勝紀

泰華廟在城東十里與義圖陳村元建祀泰華仙

二妃靈異甚著明嘉靖年間旨毀淫祠而此廟獨

以救疫濟旱存歲以六月十二日致祭巡道俞

廷垣榜曰日月爭光有碑又一在城北五里亭

側瘍疥疾求之立效每誕節請廟拜祝者以千

百計又一在城北十里海甸村乾隆六年建又

一在城西十五里書場村亦甚靈顯

舊志增纂

謹按仙妃本村陳姓女諱玉英元至順二年

十月望日辰時以浣紗昇仙二弟追尋並化

旬日後見女子紡紗於樹杪火光閃爍空中

語人曰吾蟬蛻於泰華山矣鄉人立廟祀之  
即興義圖元時所建之廟也而今並祀其二

弟曰泰華三仙

參採訪冊

東昌廟在縣東二里馬坡村明初鄉人建祀黃王

二元帥祈年禱雨屢應

趙元帥廟在小北門外神即稗說所稱天門四將

之一

東嶽廟在城外北隅廟廢基址尚存

三仙廟在城南郊二里祈禱多應

林公廟一在西門外大路街一在下田金花村一

在下田朱橘里一在子城西南雲路坊而在大

路街者則元時所建神卽本坊人林姓爲雷化  
故其廟號雷廟祈禱多應給事中許子偉議毀  
之以神入夢乃止

舊志增

張公廟在城西南鵬程坊

宗公祠在海口江公祠右爲太守宗公思聖生祠  
雍正年間行商陳國安楊翔鳳黃河清何良珍  
等捐金公建

軍門戴公生祠在縣屬水會所城有記今廢

蔡公生祠在城北街祀按察副使蔡夢說有記今

廢

舊志增

李公祠在城中街祀明知府李多見有記今廢

舊志

增

謝公祠在城北隅明萬曆四十二年紳士以太守  
謝繼科建粟泉書院作養人材合衆建祠於書  
院內祀之因公卒於官轉爲遺愛祠有記今廢  
鄧公祠在南門外通津坊萬曆二十七年都督鄧  
鍾征黎有功故建祠祀之今廢址存 國朝順  
治間郡守時元霖往南湖禱雨有應士民立時  
雨長思碑於址上

仁孝祠明洪武初孝廉文以純文秀合族捐建置  
義田六十餘丁追祀上祖垂濟族人嘉靖間憲  
副史朝宜名其祠曰仁孝有記

孝義祠在縣東南博冲村元建祀孝子王紹明成

化間鄉老黃福重建有碑記以上俱舊志

翊正祠在西湖上明參政鄭廷鵠建祀宋周程張

朱明陳白沙六君子黃志

義祠在西門外邑人爲訓導王練教諭海應乾建

歲以仲春聚城鄉子弟祀之鄭廷鵠有記同上

忠勇祠明嘉靖三十六年知府黎秀建以祀禦海

寇陣亡官兵陳進等十五人全上

天后宮在郡城內總兵署前嘉慶四年建郡志下全

龍王石廟在塩灶村廟後有明時碑題云石泉靈

應

康王廟在小西門內馬鞍街雍正間增貢生鄭正  
捷遷建於達士巷乾隆三十年邑人鄭宗漢改  
建前為廟宇後為西城鄉塾道光十一年生員  
楊華倡眾捐修

西天大士廟在海口所城西二里許明鄉官王佐  
靈顯海上祈禱立應故海口商民虔祀之乾隆  
三十年生員林拔瓊倡眾捐修

志傳稱佐初授高州府同知年八十餘卒所  
居多刺桐樹因號桐鄉今觀廟牌云初授桐  
鄉令卒於海上此俗傳之誤臨高教諭謝光  
輔嘗著說以辨其誣



靖海廟在海口城北門外

文武二聖廟一在蒼驛頭舖村乾隆年間建一在

開文圖加祿堰乾隆年間建道光十年監生謝

天俸等倡修一在道聘村道光九年廩生王魁

衡倡衆捐建

郡志增

考古祠在縣學右考古臺故址祀明教諭趙謙今

圯

小靈山廟在城南七里大路旁有巨榕覆廟前士

民祈嗣屢應

舊志

黎母廟在府城西元建舊傳雷攝一卵在黎山中

生一女歲久有交趾人渡海採香因與爲婚子

孫甚眾是為黎母乃黎人之祖也廟已久廢其

基址後人更番改建詳小西門內文昌閣下舊志

增

天花宮在城北鎖鑰門外乾隆間編修吳典建久

圯基址尚存道光十四年護道張育春捐建

華仙廟在府城隍廟右嘉慶十四年官民捐建

歐公廟在城西北五里道客村以上郡志

雷祖廟在頓林都土人俱言其廟址舊皆長林豐

草忽一日天大雷電草木盡燬見有石碑書雷

祖大帝四字因而立廟祀之天旱求雨甚應道

光甲申大旱知縣于學質詣禱雨即大降道憲

周鳴鑾送額曰雲行雨施縣主于送額曰赫赫

厥靈

採訪册下全

洗太夫人廟在縣南七十里梁陳都梁沙村官民

同建內祀馮洗氏夫人神甚靈顯數百里內禱

祈者絡繹不絕每逢誕節四方來集坡場幾無

隙地

採訪

洗太夫人廟一在海口得勝沙咸豐四年參府黃

開廣同商民建以酌戰海匪張十五得勝之功

採訪册

洗太夫人廟一在蒼輿一都明邱文莊公未第時

禱祈有應欲新其廟而艱於石神示以夢得石

柱十餘條長俱逾丈用之不盡公建廟落成並  
造廟前一橋又置田爲祭費其鄉遂祀爲通圖  
郡主因增建廟一座至今文莊公裔年年詣廟  
拜祭

調龍廟在城東五十里演豐交界處祈雨多應  
按郡城海口每坊中莫不有所祠之神各村  
各鄉亦莫不有所建之廟祀典不及祝史難  
詳今但擇其事蹟畧顯及原志所載者列之  
其餘則概從略

建置志六 都 市

廂都 鄉七各領廂都圖共計一百一十七  
今當作共領廂都圖一百四十七

豐好鄉在縣南領廂都圖一十五 今當作領廂都圖一十七

東廂一 東廂二 西廂一 今分爲二  
日西廂一

東莊西廂 西廂二 那梅都 今改交  
乙西莊 蕭都

豐好都 頓林都 涪州都 今分爲二  
日涪州里

甲 涪州 海口一 海口二

上那邕 大那邕 原下 文煥都 原博  
那邕

大來都 鳳來都 今改永

五原鄉在縣西領都圖一十三 今當作領都圖一十五

五原都 德慶都 原五 振英都 原蒼驛今  
原二 郡志仍其

舊名稱爲上蒼驛誤

興政都

上石山都

文盛都

原下山一

秀瓊都

原下山二

石巖都

今從石巖分出者日

文秀都按石巖都郡縣俱有而縣房查無

烈樓都

鳳樓都

乾隆年間烈樓二改

大小英都

泰英都

秀豐都

郡志作禾豐都

內義豐鄉在縣東南領都圖一十四

今當作領都圖一十七

英育都

原興仁一

華英都

原興仁二

振文都

大攝一

大攝二

大攝三

那社都

郡志作文興一

迎恩都

原那社二今從迎恩分出者日迎恩六莊

萬都一

萬都二

蘇尋一

蘇尋二

蘇尋三

永興都新

今查內義豐鄉有慶善都萃英都俱新增

外義豐鄉在縣東領都圖二十四今當作領都圖三十二

東昌都  
上東岸今分爲二日 上東岸里上東岸甲

下東岸今分爲二日 下東岸里下東岸甲  
張吳東

張吳西以上二都今郡志作張吳一都誤  
張吳都

鍾秀都郡志作張吳二都誤  
博茂一今分爲二日 博茂一

里博茂一甲  
博茂二今分爲二日 博茂二

大林一都  
大林二都  
興仁都郡志云原名大林二

都按大林一二都原與興仁並列今郡志無大林二而以大林都爲大林一都興仁都爲大林

二都  
桂林都原小林一今分爲二日 桂林二

疑誤  
文林都原小林二  
興義都郡志云原名興義一都今分爲二日 興義里興義甲

興文都 原興義二

豐華一 原符離一

豐華二 原符離二

豐華三 原符離三

調塘一

調塘二

調塘三

調塘四

演順一

演順二

演順三

遵化鄉在縣南領都圖八

今當作領都圖一十二

東潭都

龍塘都

大挺都

傑興都 原小挺都

大小偶 鄆志作亨裕都註云嘉慶六年改

托都

鄭都

抱元都

今查遵化鄉有懷義保西義保東河都三圖俱

新增又有龍塘都據採訪冊云原名沙塘府志

重修未改今查郡縣志俱無當係新設而府志



漏載

仁政鄉在縣西南領都圖二十二今當作領都圖三十八

暫都

遵都

宅念都原宅念二

那環都

雷虎都

梁老都

永都

今分為東保西保東保又分永都一永都二永都三永都四

上游都

新

西潭都

梁陳一

梁陳二

今分為二日梁陳二東梁陳二西

原宅都

東洋一

東洋二

今從東洋分出者曰東保都

射釵一

射釵二

以上二都今郡志統作射釵都誤

蒼原一

蒼原二

西黎一

西黎二

林灣都

郡志云以上二都俱熟黎向化近始編差

今查仁政鄉尚有西黎三一圖其從西黎三析  
出者曰蔭棠都踵科都富穀都集雅都崇德都  
此外又有冠南都安仁都環瑯都懷義都南坤  
都俱新增安仁都縣房查隸五原鄉環瑯都房  
未詳所隸懷義南坤二都房查漏採訪冊云俱  
仁政鄉領

永興鄉在縣南領都圖一十五 今當作領都圖一十六

麻長都 白石都 博盛都 原博里一都今又分

為二曰博盛 一博盛二 邁別都 今分為二曰邁別一邁別二

里仁都 聖鹿都 原獨坡按郡志作聖虎註云原名博里二都並誤蓋

博里乃博盛 原名也 官隆 一今分為二曰官隆一里官隆一甲

官隆二

官隆三

今分爲二曰官隆三東官隆三西

官隆四

今分爲二曰官隆四六莊曰官隆四符莊其從官隆析出者曰樂育英

蒼興一

蒼興二

麻釵都

今分爲二曰麻釵一都麻釵二都

開文都

原東黎一郡志仍其

舊名作東黎一都註云今又名開文

德興都

原東黎都郡志仍其

舊名作東黎二都今改德興

墟市

那抽市

在托都

石橋市

在宅念都

舊州市

東南博盛西北麻釵

烈樓市

在水都

東山市

在射銀都

塘萌市

東頭市

在博茂一都

大林市

在大一林都

邁敖市

在下石山二都

博菴市

在白石都今廢

道畔市

在大小英泰英都

乾橋市 在大礎都道光二十七年改為龍橋市

嶺脚市 在麻長都

羣蕩市 在調塘都

龍塘市 在沙塘都

新那邕市

新市 在下東岸都

塔市 在演順都

靈山市 在英岳張吳英華振

文鍾秀五圖

坡茅市

赤草市 在大撮二都

五原市 在本都

雷虎市 在本都乾隆初吳啟賢捐地設井建約亭

譚文市 在官隆三都

蒼驛市 廢

博堂市 廢

邁黨市 廢

石山市 在本都

崩溪市 在射銀都

那邕舊市

那邕市 在上那邕

茄柄市 在蘇尊三調塘一都

崩溝市 廢

大井市 廢

邁犢市 廢

邁堂市 廢

橋蘭市 廢

犬塌市 廢

屯昌市 在酉黎新  
三江市 在周唐二都  
雍正三年設立

甲子市 雍正四年設立  
在官隆四都

下水市 雍正六年  
設立在聖

鹿都 邁盛市 乾隆元年設立  
在大攝三都

山頭市 乾隆二年設立  
在調塘三圖

文盛市 乾隆七年  
設立在開

文都 培龍市 在城西門外道光十八年  
郡紳倡捐買舖二間毀拆

將地并城壕隙地建置以郡城龍  
脈從此凡首相生培築故曰培龍

北門官市 在子城北門外  
十字路市 在縣西南四十

里乾隆 咸諒市 在縣西五十里乾隆間  
貢生王宏仁捐地設

龍窩墟 在桂林  
塔市墟 在演順  
道崇市 在迎恩都  
嘉慶八年

圖中十 龍山市 嘉慶二十一年  
年抱龍村招

黃嶺市 新招  
新興市 在西黎  
山馬市 新招

坡芴市 在南坤  
大昌市 在城東百二十里聖鹿圖  
都新招 自西至東直街係境自北

至南橫街係文  
嘉慶年間設

圖

大坡市  
在城南百餘里開文

鍾稅市  
在城東南百五十里聖鹿都乾隆年間設

會文新市  
在城東南百六十里道光七年坡口屯徐家屯聖鹿都公建○以上郡志并採

訪册

調龍市  
在城東五十里演豐界嘉慶元年符歧綬建

建置志七 橋 渡

橋梁

水街橋在城南門外元建水自城濠流出經南湖

入海 舊志下全

文明橋在南關外卽新橋崇正庚午鄉官張希堯

副使兵學道衛成忠建 國朝大風傾圮百總

馮應龍修乾隆三十五年邑人溫維新修道光

十二年邑人符魁泰修水自西洗馬橋來經瑞

雲橋出北冲河入海 舊志增

瑞雲橋在城外南橋舊名虹橋宋建長六十五丈

廣一丈一尺九洞明天順間副使鄺彥譽增高

二尺存三洞萬曆二十一年圯郡守阮純如重修萬曆三十三年地震復圯鄉人募修四十六年郡守歐陽璨率官紳重修碑銘尙存昔有亭今廢乾隆十一年知縣楊宗秉復加修葺舊志增

河口橋在城東元建明宏治間知府張桓開河便糧運抵濠重砌高廣丈餘水自瑞雲橋來經博冲河入海

青雲橋在東門外峻靈潭南石建明正德辛巳年僉事汪克章重修并砌石路

洗馬橋在縣西南二里宋建又名馭仙橋水自龍井流出瑞雲橋經博冲河入海



第一水橋俗名滴一橋在縣西北二里下田村前  
元建水出大小英都入海

第二水橋俗名滴二橋在縣西北三里明宣德間  
巡檢張孟升建木橋天順間副使鄭產譽更以  
石

接龍橋在府城北係往海口通衢郡守佟湘年砌  
築以接郡城龍脈久圯康熙四十年知府賈公  
棠重建乾隆三十五年邑人溫維新捐修砌石

舊志  
增

提橋在縣東南四里頓林都宋建水自那梅都田  
間流合博冲橋水達大江入海

博冲橋在縣東南四里頓林都宋建水自龍潭流出達蕃誕江經白沙港入海

五里橋在縣西官路五里明宣德四年鄉人戴久建久圯 國朝康熙間商人何震淑捐修有記

滿茂橋在城西北六里明永樂間教諭張善教建水自濱涯流達第一第二橋入海

迎恩橋在縣北七里明正統五年知府程瑩建乾隆五年水漲衝圯監生陳國安詹必惠生員鍾世聖募金重修水出田間經此入海

丁村橋在縣西南官道五里水自西湖龍井來流

經洗馬橋達博冲河入海 以上俱

沙水橋在縣西八里俗名滄昌

亦作桑

橋又曰南送

橋西路二州四縣吏民往來途必經此其水自田澗流達第二水橋遇霖雨則漲溢難濟橋爲明正統間知縣朱憲建崇禎丁丑鄭許氏修

國朝康熙丁丑澄邁知縣邱象豫捐俸重建有記雍

正戊申葺縣陳大本應城魏朝聖重修乾隆五

十九年橋盡毀壞片石無存封宜人吳謝氏捐

金命子瑾璋璠復于舊基之東創造石橋長三

丈廣五尺五寸高八尺洞門二又砌石路二丈

四尺翰林吳典有記

參重建滄桑橋記

響水橋在縣南八里薛村前水自西湖流來經此

達博冲河入海 舊志下全

和鑾橋在豐好鄉水接響水橋達博冲河

惠龍橋舊名珍瓏橋在縣東十二里知府黃顯見

碑記

邁龍橋在縣東十五里從張吳舖往靈山官路兵

學道馬逢皋捐修

博濟橋舊名博雅橋推官洗沂記以上二橋久圯

明嘉靖丁巳年知縣吳時昭修復

鍾橋在縣東十四里上那邕元鍾姓捐建

買舍橋在縣東二十里大林都元僧無我募建水

自南渡大江流出塞港入海

五原橋在縣西二十里五原都官道宋南渡一僧  
建。

乾橋在縣南二十里挺村官道

白沙橋在縣東二十五里小林都元建水自靈山  
田澗流出經礫松坡達塞港入海

杜村橋在縣西二十五里宋淳熙間杜公建道光  
三年下流沙塞田荒爲滂池近村人砌橋加高  
五六尺以渡舊志增

波蔡橋在縣東三十里小林都僧無我建水自靈  
山田澗流經白沙橋出港入海

烈樓橋在縣西北三十里元建水自上石山都田

澗流出烈樓港入海

博達橋在縣西三十里烈樓都鄉人建

博合橋在縣東南五十里萬都元建水自本都田澗流出那廉橋經鋪前港入海

冲尾橋在縣東五十五里往文昌官路

蘇村橋在縣東六十里鄉人建

禿橋在縣西南六十里西潭都

蘇稔橋在縣東南六十里蘇尋都宋建

石橋在縣南六十里宅念都上豎欄杆

梁老橋在縣西南六十里梁老都宋建上豎欄杆

今廢水自南湖流出西潭都達江

滿天橋在縣西南六十里梁老都宋建

卜壁橋在縣西南六十里水自南湖滄浪流出滿

天橋上築大堤瀦水灌田數十頃有碑記

那廉橋在縣東六十里符離都元僧無我建水自

萬都山澗流出莊田渡達舖前港入海今圯石

存

邁容橋在縣東七十里那社都明永樂間鄉人吳

瓊達等建萬曆三十三年地震崩陷設渡通往

來四十一年改官路

通濟橋在縣西南八十里蒼原都明正統六年知

縣朱憲建以便義倉運路御史鄭傑命名

昇雲橋在縣東九十里邑人張子翼碑記

北創橋在縣東二十五里興仁都係往文昌舖前

官道明建潮水時浸朝築暮傾官批興仁桂林

文林三圖里民遞年修葺准免丁夫有碑記

龍塘大橋在縣南二十里沙塘都

青松橋在縣東三十里桂林都源自陶公山流達

北洋港凡水漲往來維艱明季青松演村二鄉

士民捐募建以石

那慶橋在縣東二十里那慶都

獲龍橋離城七十里在邁盛市乾隆十年吳文浩

吳文溢等協力捐建



馮氏橋在縣東九十里蘇尋二圖烏石溪雍正十一年馮氏通族捐伊祖副將馮文備樂善馮佛護二代嘗銀合建高二丈長十五丈廣九尺併砌石路數里有石碑

橋眉橋在縣東八十里乾隆二年梁嘉賓捐建併砌石路三十餘丈

大路橋在縣東南官隆三地方離城一百里雍正十三年張玉節之母梁氏建造高一丈二尺厚八尺長四丈進士謝寶記咸豐四年李萬蘭重

修舊志增○採訪冊云在振文圖

百谷橋在縣東南官隆地方離城一百餘里係貢

生張震蕃之妻陳氏捐修歲貢任連山縣訓導

張震亨有記

村頭大橋在縣西秀英地方離城一十餘里康熙

六十一年監生周李忠之妻節婦王氏捐修有

碑記

西善橋在縣西西廂二地方離城五里雍正七年

監生周李忠之妻節婦王氏捐修有碑記

馬凌溪橋在縣東九十里調塘三圖瓊文大路之

地長七丈餘高七尺濶四尺餘三洞乾隆六年

里耆林時富捐建

舊志增

三江橋在縣東蘇尊一圖離城八十里雍正十二

年貢生馮孝麟捐建長三十丈高七尺厚五尺  
併石砌龍窩澁路二道。

邁本橋在縣東南大那邕寶蔭村離城十餘里長  
一十七丈七尺八寸高四尺八寸寬五尺

道麵橋在縣東南大那邕寶蔭村離城十餘里長  
十五丈三尺一寸高四尺六寸寬五尺以上二

橋俱係吏員吳義宗捐資于乾隆四年建造上

俱舊志

白沙東西二橋在城東北十里乾隆五十一年編

修吳典母宜人陳氏創建東橋長十有二丈水

門五西橋長七十餘丈水門二十有一有記郡志

全下

復龍橋在海口所南門迎恩坊外今改迎龍橋康

熙二十四年知府佟湘年副使彭顯應同修乾

隆五年水漲衝圯監生陳國安詹協萬生員鍾

世聖募修咸豐三年水又衝圯知縣李文烜捐

修舊志增

英龍橋在秀豐都乾隆三十四年邑人尙士璜建

邁德橋在城東四十里桂林一都長七丈廣六尺

水門五明邑人曾普興普勝合族創建

羣善橋在城東三十里桂林二都長三丈廣六尺

水門二監生曾履廉捐建

邁榮橋在城東二十餘里犬林市東乾隆五年林  
運山建嘉慶七年紳民重修

博冲橋在城南八十里維泰村西水門三乾隆三  
十一年紳士杜攀棧捐建

芙蓉橋在城東十五里靈山市東乾隆三十六年  
吳宗稷宗禹重修

崩橋在城東二十餘里張吳西圖水出陶公山入  
海儒堂多呂二村顏姓建

履祥橋在城西八里大英村乾隆間邑人黃世傑  
建并修石路長二十餘丈

龍舟墩橋在城北十里嘉慶間劄貢生林子平建

水門二長五丈餘

迎龍橋在城西道光六年商人匯興升記顯利怡茂等修建長十餘丈

虎橋在東山市西明進士林養高建

卜這橋在蒼原圖卜這村嘉慶十二年邑人許熊建橋畝橋在宅念圖馮岐村西邑庠馮文選捐建

道平橋在城南十五里上那邕都長二十八丈邑人馬朝弼建嘉慶二十一年監生梁斗方倡捐重修

新市拱北橋在城南二十里上那邕都鄉人捐建水自杜潭經渭溪合流入博冲河歲貢王金簡

有記郡志增

太史公橋二一在邕陽圖文斗村地曰文斗橋路  
通靈山市一在頓林都崩騰地曰騰橋路通郡  
城一造於乾隆五十年一造於乾隆五十八年  
皆翰林吳典為珠良村業師周繼材往赴城市  
而築而二圖之人亦沾其惠道光十五年其子  
以敬重修二橋俱加高尺餘郡志增

博洋橋在城西四十五里崇禎十五年陳允誠捐  
建砌石又置田十餘畝垂後修理嘉慶二十年  
裔孫監生家聲全眾重修郡志增

成產橋在抱元都宋建屢圯屢修道光六年生員

何道海倡捐重修高九尺長十丈餘併砌橋頭石路二里往來稱便

潭文橋在萬一都二圖長四丈濶四尺餘邑人王

紹先建有碑記

以上俱郡志

東門拱橋為城外之通衢距月城不出二丈原以板度乾隆三十五年邑人溫維新累石砌之其

南三百餘步即為河口橋亦名少宰橋

採訪

上屯溪橋在郡東六十五里蘇尋三圖道光十六年陳文熙將祖常住建長四丈八尺高六尺水由龍吐橋流經敦崇龍窩等橋通文昌舖前港



美楠橋在博盛二都長數丈大可容車周國賦妻

張氏造

邦高橋在城東五十里乾隆年間附貢生馮遇春  
建長十餘丈高七尺廣八尺碑載華亭名卽遇  
春

羅牛橋在城東六十里附貢生馮遇春建長十餘  
丈高八尺廣七尺乾隆五十一年孫卽用縣丞  
鳴珍重修有碑記

善橋在城東八十里蘇彞一圖羅梧村前明崇禎  
年間郡庠馮宗善集鄉人建本朝合各姓重修  
渡頭橋在城東十里明黃瞰江舊址之前今石圮

五州元卷五  
鄉人駕木度之

庵前橋在城東六十五里蘇尋三圖乾隆十一年  
調塘乙圖皇瀛村生員陳邦祚妻節孝劉氏建  
嘉慶年間附近鄉人重修

美興橋在城東六十里道光癸未年蘇尋三圖樂  
堂坡村監生史士任邀衆捐建水由羣岸大洋  
流通舖前門橋邇逾數十里由舖前港出海

調龍橋在城東五十里演順一圖溪邊塘連村王  
仕元仕隆合衆建

博度橋在城東四十里黃國盛合衆建

電白橋在城東八十里調塘二圖電白村前乾隆

八年陳參儒陳景覺捐衆建

石池橋在城東百餘里開文圖謝以燕捐建

龍吐橋在城東六十五里蘇尋三圖嘉慶初年監

生呂世爵集鄉人捐建

龍窩橋在城東七十里蘇尋三圖龍窩村北明萬

厯年間沈居士建上流有敦崇橋乾隆間鄉衆建

雅黃橋在博盛一都黃家建

仙園橋在城東五十里王仕元仕隆造

北欖橋在縣東南五十里萬都一圖廣七尺高五

尺長七十八丈

奇島橋在縣東南五十一里萬都一圖廣七尺高

四尺餘長六十餘丈

南朝橋在縣東南五十五里萬都二圖下流有東  
沌橋吳啟泰建又有博洽大橋元建流出那廉  
橋達舖前港入海

南宋橋在靈山市南道光二十七年里人吳日舒  
何子惠合衆捐建

邁向橋在縣東南四十五里萬都英華界

北堡橋在縣東南五十里萬都一圖

秀砂橋在縣東南八十里文興都

奇樓橋在振文圖

濱洋三橋在城東南七十里迎恩都其橋有三一

在濱洋村前道光初年李姓衆建一在濱洋村  
東名魚牀橋一在濱洋村東北名北府橋水由  
田澗流經龍吐橋俱乾隆年間李參宇建

龍門橋在縣南七十五里蒼興一都長二十餘丈  
上流又有羣石橋

旺龍橋在城南十五里潭謝村長二十餘丈王應  
麟建

續龍橋在梁陳一都乾隆年間武生陳美金集衆  
全建有碑

北溝橋在縣南七十里梁陳二都通定安官路  
仁用橋在縣南六十五里蒼興一圖明萬厯年間

馮婁建

安樂橋在城南八十餘里文興圖乾隆十一年調

塘一圖皇瀛村生員陳邦祚妻節孝劉氏建并

砌文昌塘銀盤坑石路二道

老市橋在上那邕康熙年間梁作舟修砌道光年

間張世賓梁永秀補築

潭城橋在縣南六十里蒼興二圖

土尾橋在縣南七十三里昌文村黎國璵邀眾建

博攔橋在縣南六十里陶公山下三十六曲水中

原橋小而且卑遇流急時渡者屢溺道光十一

年麻欒圖職員陳傳敬生員杜莊禮生杜宗元

邀衆改建高八尺長三丈二尺水門三并砌石  
路六丈輿徒可通人咸稱便

麻釵口橋在麻釵圖長八尺高亦如之歲貢杜嗣  
桃全衆建造職員陳傳敬生員杜莊全衆重修  
西河橋在麻釵圖大五尺長九尺陳世才建立

邁力橋在城南七十里乾隆年間梁嘉賓造

文來橋在官隆一都乾隆五年袁姓造長五十餘  
丈高五尺

鳳來橋在官隆四圖西魯村嘉慶二年庠生陳斐  
元邀衆族全建長十餘丈高二丈

美味橋在抱元都國倉村前道光六年杜振國倡

眾捐修高八尺濶六尺長四十丈

美里橋在宅念都道光二十一年例貢馮漢元職

員馮漢奎捐貲建在馮岐村南

邁洞橋在城東南三十二里

北橫橋在城東南三十二里東潭都

北歷橋在城東南三十餘里

白石溪橋在城東南百四十里乾隆年間鄉民武

大升捐建

以上俱南幹橋在城東二十里咸豐六年提督吳元獻建

福創橋在郡東

二十八里興仁圖高五尺長十丈咸豐七年例貢生蔡紹藻建

附道

西南官路離郡五里俱係石地迂曲崎嶇官吏艱

於來往明中葉間庠生王用禮大小偶都人奉



官督修砌石或二丈或丈餘寬狹不等上自大  
來都下至托都凡六圖有五十里之遙行者稱

便册 錄 訪

津渡

博冲渡在縣東南八里頓林都從南渡移建博冲  
係東路通衢原編渡夫三名官給工食後裁革

渡廢 國朝康熙十年頓林都里排陳請照米

石買船僱夫撐駕免牌門夫役勒碑縣前舊志 下全

榕樹渡在縣東五里東至渡頭渡往文昌舖前上

下東岸都見年買船撐駕有碑記

蜆村渡在縣東北八里博茂都

本利渡在縣東七里上東岸都由博冲河通海田

常患水衝歷年工築及置車灌田

麻餘渡在縣東北八里

頓打渡在縣東十里大林都今沙塞渡廢

渡頭渡在興義一都路由榕樹渡往文昌舖前見

年照米石買船僱夫撐駕勒碑縣前

楊村渡在縣東五十里那慶都

潭口渡在縣東南三十里東潭都

通志作酒塘渡

龍塘渡在縣南四十里沙塘都

麻釵渡在縣南五十里麻釵都

梁陳渡在縣南六十里梁陳都南達石山巡檢司

今廢

麻蓬渡在縣南六十里梁陳都南達石山卽窰霄頭

三合渡在縣西南七十里射釵都

博通渡在縣南七十五里東洋都達定安乾隆年

間員山周氏用祖租買船并撥田二丁以給渡

夫糧口舊志增

海口渡在縣北十里海口都北達徐聞踏磊驛潮

起風順半日可至凡自瓊渡徐聞有三處渡口

一曰海口官渡一曰白沙古渡一曰烈樓渡自

烈樓嘴達徐聞車輪浦較近乾隆三年雷瓊道

劉庶詳請海口海安各添設班渡船三隻小三板船三隻以便差使往來署撫王暮具題經部覆准其船式照依水師營拖風船式其造舟工料費用在於落地稅羨銀內動支其大小修拆造例限俱照營制遵行每船舵工水手共一十四人其工食在於司庫耗羨公用銀內支給乾隆三十一年奉裁班渡船二隻止留一隻改為快槳船今官渡久廢舊志增

新埠渡在縣東調塘二圖乾隆三年里耆林時富捐造渡船併買田以給渡子工食以上俱舊志

東山渡在東山市南郡志下全

上宅渡射釵渡俱在射釵圖

蒼原渡在後山村邑人黃三輔設並捐田五丁半  
爲渡夫工食半爲整修船費今行之已五世有

碑全  
上

白沙渡在城東北十五里涇洲都瓊文商旅多經

此標訪冊  
下全

馬坡渡在城東二里餘博冲渡之下流

瑤城渡在城東四十里瑤城村前

儒林渡在城東五十里儒林廟前

路邊渡在城東五十里演豐交界地方調塘市南

邊

經口渡在城東五十餘里豐華圖

書田渡二在城東五十餘里上下墩林可寬設

蓬萊渡在與義都自海口路經此達文昌舖前

大灣渡在大灣村南

龍塘市渡在縣南三十里河岸高坎東通嶺脚市

各鄉西通十字路市各鄉兩坎紅泥逢雨滑澀

道光七年里排詹子芳陳治耀等倡眾捐修東

坎路砌石三十餘丈咸豐元年庠士陳治典詹

璧等倡眾捐修西坎路砌石直到市門往來稱便

龍塘下渡在縣南四十里龍塘都東岸三四十里

新芋登向俱賣于渡西道光丁亥年七月二十

瓊山縣志卷之六

建置志八 倉儲

國朝康熙十九年奉文令各省州縣設立常平倉瓊

邑舊建常平倉一十五間在縣署大堂東西兩

傍原額貯穀一萬一千五百五十九石六斗五

升一合二勺

舊志下全

雍正四年奉文裁汰海南衛將屯田丁糧歸併瓊

山徵收歷任官各捐造倉廩一十九間在府城

丁字街海南衛舊署原監米二千四百石算穀

四千八百石

雍正六年知縣楊仙椿請項建造倉廩在海口南

門內一十五間收貯奉撥海康縣均貯穀六千

零四十石零三斗四升八合八勺

乾隆二年署縣事魏綿請項建造倉版在府城端

南街共七十五間又縣衙箭道內建倉一十五

間收貯奉撥增貯瓊邑監穀六萬石

內除儋州文昌臨高

代領回穀三千零七十四石一斗四升七合倘未買補外實存領運撥抵穀

共五萬六千九百二十五石八斗五升三合

乾隆二年奉撥省穀來瓊平糶存倉未糶撥作增

貯穀一千六百三十二石五斗六升七合撥貯

瓊倉

乾隆四五年間奉文在本邑捐納監生捐者二名



納穀四百石正十年奉文酌減捐納穀石捐者  
一名納穀一百七十石正并彙貯瓊倉

以上通年奏銷報收現貯穀共八萬一千五百二

十八石四斗二升以上俱舊志

據郡志府常平倉四一在府署大門一在府署後一在城內東周巷一在

經歷司署旁共貯谷二萬六千一百六十二石零七

升縣常平倉五詳見上原貯穀七萬七千六百九

石零乾隆三十一年奉文將府倉穀併歸縣倉

共貯穀一十萬零一千一百七十一石一斗二

升零二勺

瓊邑徵收倉糧向無折色俱係徵收色米雍正七

年奉文半米半穀徵收至今並無更改通共額

徵倉糧米四千五百七十三石五斗二升零一

勺五抄二撮八圭四束五粒五截七糊一糠舊志

附社倉

康熙十九年奉文令各省州縣設社倉義倉勸諭

官紳士民商賈捐輸米穀公舉敦重良善之人

掌管借貸取息以備賑濟列冊詳報前此地方

官有無實力奉行今皆無所稽考雍正二年奉

旨各省州縣設立社倉勸諭士民捐穀積貯每鄉設立

社正一人社副一人以掌之紳士耆民遵照奉

行樂輸穀石分貯各社令各社正副收管舊志下全

一下窰塔社倉一座貯穀一百二十七石三斗三升六合

一烈樓市社倉一座貯穀一百四十六石九斗三升八合

一石邊村社倉一座貯穀一百三十石零五斗八升六合

又海南衛歸併各屯社倉共勸捐穀一百一十石內分貯

一左所青甯屯社倉一座貯穀二十三石正

一左所南黎屯社倉一座貯穀二十七石正

一前所徐家屯社倉一座貯穀三十五石正

一前所坡口屯社倉一座貯穀二十五石正以上俱舊志

以上社穀今俱附平常倉收貯據郡志原捐

續捐共一千一百五十四石八斗五升三合

又郡志有屯羨穀一百八十八石五斗一升

九合零未詳收貯何所

義倉明萬曆二十四年巡按劉會建久廢穀歸社

倉郡志

府義倉在府署後康熙四十三年知府賈棠建勸

捐貯穀以備灾祲饑則借給民食熟則輸還擇

里老董之後併歸瓊山社倉四十五年買瓊山

縣河口等處秧地八坵用價銀二十五兩歲收

租穀散給孤貧瘋疾口糧行縣知照契券存府

備案<sub>上全</sub>

約亭

國朝順治九年頒行六諭令地方官責成鄉約人等

每月朔望宣誦

一 孝順父母

一 尊敬長上

一 和睦鄉里

一 教訓子孫

一 各安生理

一 莫作非為

康熙九年復頒十六條十八年頒鄉約全書每月

朔望有司偕紳衿齊集公所及軍民人等俱聽

宣講

一 敦孝弟以重人倫

一 篤宗族以昭雍睦

一和鄉黨以息爭訟

一重農桑以足衣食

一尚節儉以惜財用

一隆學校以端士習

一黜異端以崇正學

一講法律以儆愚頑

一明禮讓以厚風俗

一務本業以定民志

一訓子弟以禁非為

一息誣告以全良善

一誠匿逃以免株連

一完錢糧以省催科

一聯保甲以弭盜賊

一解讐忿以重身命

雍正二年頒

聖諭廣訓又頒十二條附律令鄉社設立約亭每月朔

望紳衿耆民人等就各約亭宣講

郡城約所在

萬壽宮

海口約所在 關帝廟

大林市約亭一所

靈山市約亭一所

茄蒞市約亭一所

新市約亭一所

乾橋市約亭一所

龍塘市約亭一所

道斐村約亭一所

係大小偶都地方乾隆年間遷建于水圖中王樓村口官路旁

道光十五年訓導王魁衡倡眾添建文昌閣一座並左右迴廊與約亭連接○採訪冊

雲道村約亭一所

係永都地方

邁涯村約亭一所 係東洋一地方

濱遠村約亭一所 係振英地方

西場村約亭一所 烈樓市約亭一所

石山市約亭一所 雷虎市約亭一所

西潭都約亭一所 東山市約亭一所

斌豪市約亭一所 係遵都鄭都二圖地方。以上俱舊志

吳西村約亭一所 在大挺都地方。採訪册

汎馬亭約亭一所 在抱元都地方。採訪册

大坡市約亭一所 在開文圖亭中崇祀文帝為闔圖議充戶役公所其常住則

以為土子進學資興之資。採訪册

按各村各堡今俱設立約亭採訪或未之及無



由詳錄

講約條例

縣城及大鄉村各立講約之所設立約正一人擇  
舉貢生員老成有學行者爲之值月三四人擇  
樸實謹守者爲之置三籍德業可勸者一冊過  
失可規者一冊值月掌之每月朔日舉行屆期  
約正值月約同鄉之人及耆老里長皆至相對  
三揖以齒分左右立設案於庭中值月向案北  
面立抗聲宣讀

聖諭廣訓衆人肅聽約正復推說其義剴切叮嚀務使  
警悟通曉未達者仍許其質問講畢於此鄉內

有善者衆推之有過者值月糾之約正詢其實  
狀衆無異辭乃命值月分別書之值月遂讀記  
善籍一遍其記過籍呈約正及耆老里長默視  
一遍皆附值月收之事畢衆揖而退歲終則考  
校其善過彙冊報縣設爲勸懲之法有能改過  
者一體獎勵使之鼓舞不倦

舊志

建置志九 坊表

親民厚本宣化三坊 在縣門外正德間知縣駱敏建今廢

承流坊 在府署東今廢 宣化坊 在府署西今廢

澄清海甸坊 在道署東今廢 振作人文坊 在道署西今廢

文武重鎮坊 在府前 監察行臺坊 在察院前今廢

南溟奇甸坊 在府前正街 古珠崖郡坊 在府前正街廢

子惠黎元坊 在縣署前今廢 清朝人瑞坊 在府前正街為京推官許

暉斗立 少師少傅坊 兩坊在府縣學東西為邱

濬立今廢 國計坊 在廣豐倉前廢

瓊臺福地坊 在闕帝廟前 忠介坊 在今總兵署左為海瑞立

學士尚書坊 在府前為王宏誨立 解元坊 在今府學宮前為張世衡立

聖旨坊

在關帝廟前郡守謝繼科為關帝立今廢

解元坊

在府學西為曾蘭立今廢

冢宰坊

為廖紀立今廢

瓊南秀氣坊

在丁字街為夏昇立

大宗伯坊

在今總兵署右為王宏誨立

海南保障坊

在參府前今廢

溟甸羣英坊

在今總兵署東為進士唐

鵬立年久傾圮乾隆間刻貢周之鏞捐貲督修

世科坊

在舊倉街口為舉人王宸王伯霖王汝為立

進士坊

在舊城隍巷為林震立

進士坊

在縣後街為楊愷立

少司馬坊

在大西門內為鍾芳立

忠直坊

在大西門內為行人許子偉立

道南書院坊

在舊倉街兵學道林汝翥立

進士坊

在縣東街為張世衡立

武秀坊

在縣東街為舉人張世英立

進士坊

原為夏昇立其後嗣欲售之行人許子偉償其價移豎于義學前一面存夏昇原名

一面題亡名  
諫垣使節

貞節坊五

一在真武廟旁  
為指揮崔世承

妻馮氏立一在舊倉為王伯霖妻張氏立一在  
縣東街為張世衡妻胡氏立一在水關口為任

愷妻甄氏立一在縣前為潘穰  
妻陳氏立以上俱在大城內

會魁坊

為鄭廷  
鶴立

進士坊

為薛  
遠立

國賓坊

為舉人  
李都立

晝錦坊

為同知  
李昌立

啟芳坊

為舉人  
夏欽立

進士坊

為王  
儼立

文魁坊

為舉人  
朱庠立以  
上俱在小西門內

世芳坊

為舉人  
劉筠立

繡驄坊

為鄭  
傑立

少司徒坊

為鍾  
芳立

文宗坊

為鍾  
芳立

大邦伯坊

為鍾允  
謙立

儒宗司諫坊

為鄭廷鶴立  
以上俱在小

西門  
內

梯雲坊

為舉人  
海寬立

登第坊

進士坊

繡衣坊

畫錦坊

以上四坊俱為李珊立

聯芳坊

為舉人李玠立

登薦坊

為王宗源立

貞節坊

為王鑿妻吳氏立以上俱在小北門內

茂學淳行坊

為吳效立今圯

地卿世家坊

在石門村為吳賢秀吳政

吳效吳會期立

穎秀坊

為舉人劉預立

鵬程坊

在大南門外為舉人陳宏立

攀桂坊

為舉人林裔立

登俊坊

為舉人崔會立

月桂坊

為舉人莫讓立

冠英坊

為舉人蔣淵立

登雲坊

為舉人周潤立

梯雲坊

為舉人劉預立

雲路坊

為舉人楊舒立

仙桂坊

為舉人鄭於立

擢英坊

為舉人吳豐立

擢秀坊為舉人

陳暉立

青雲坊為舉人

岑英立

進士繡衣紹美一坊二匾俱為海澄海閣立

忠烈坊在小西門外

為梁思泰立

解元坊在小西門外

在小西門外

廷魁坊在解元坊右

學士坊在下田

大司成坊在小北門外

少宗伯坊在小北門外

俱為邱濬立

貞節坊在下田為邱傳妻李氏立

大學士彭時撰銘見藝文

景賢祠坊在小北門外

在下田為舉人

志無傳字

芳桂坊在教場口為舉人

陳大章立

海南第一禪林榜天寧寺前

勲封坊為連城知縣牛大

母王氏立

三公祠坊在小北門外郡

守賈棠建知縣

王贊督修以上俱在城西北門外

忠勲世仰坊在清惠亭前

郡士民為兵

學道林  
汝翥立

林應  
陽立

化孚溟渤坊  
在海口天后廟前為舉人

都憲坊  
在東關為唐胄立

青雲坊  
為進士唐舟立

天衢坊  
為進士唐亮立

聯桂坊  
為舉人唐卿立

聯璧坊  
為舉人唐敬立

省魁坊

會魁坊

進士第坊  
三坊俱為唐胄立

進士坊  
為知府張學顏立

青雲橋坊  
在村頭以上九坊俱在蕃誕村

登科坊  
為舉人吳榮立

飛騰坊  
為舉人范倫立以上二坊俱在河口

進士坊  
為吳鏞立

桂林坊  
為舉人吳昊立

解元坊  
為唐灑伯立

文奎坊  
為舉人唐虔立

進士坊  
為陳天然立

登庸坊  
為舉人林桂立



賓興坊

為舉人  
吳賓立

進士坊

繡衣坊

二坊為  
陳實立

俊采坊

為舉人  
吳鼎立

貞節坊

為陳普恤妻張氏  
立以上俱在南橋

濟美坊

為舉人崔  
繼芳立

聯桂坊

知府王伯貞  
為王克義立

進士坊

知縣周宜為  
王克義立

貞節坊

為王勇妻  
韓氏立

烈女坊

為隨舜卿女立以上  
俱在海口城內外

解元坊

為鄭真  
輔立

亞元坊

進士坊

俱為林  
傑立

應奎坊

為舉人  
曾英立

進士坊

為曾  
鵬立

攀桂坊

為舉人馬徽立以  
上俱在宅念都

雲梯坊

為舉人  
謝愨立

應奎坊

為舉人周  
尙文立

世英坊

為舉人周奎立以  
上俱在東岸都

正榜坊 為舉人 葉茂立

文明坊 為舉人 黃鳳翔立 以上俱在顧林都

步蟾坊 為舉人 陳福立

承芳坊 為舉人 陳經邦立

文魁坊 為舉人 黃宣立

鳴鳳坊 為舉人 符朝宗立 以上俱在蒼原都

折桂坊 為舉人 周潔立

毓秀坊 為舉人 周昇立

登科坊 為舉人 周奇健立

登雲坊 為舉人 周賓立

折桂坊 為舉人 周宗本立

拔尤坊 為舉人 周著立 府志作青雲坊誤

進士坊 為進士 周宗本立

進士坊 為進士 周世昭立

文魁坊 為舉人 周溥立

文魁坊 為舉人 周鳴皋立

禮魁坊 為舉人 周尚賓立

登俊坊 為舉人 周仲良立

光啟坊 為舉人 甘永泰立

進士坊 為舉人 林士元立 以上十四坊俱在東洋

一都員

蜚英坊 為舉人 王濂立

步月坊 為舉人蔡伯祥立

青雲萬里坊 為舉人蔡士儲立

文瑞坊 為舉人蔡齊宸立以上四坊俱在遵都

進士坊 宋德祐元年為何一鵬立

從龍坊 為舉人吳衍立以上二坊在梁老都

雲龍坊 為舉人蔡嵩立

進士世家坊 為進士梁必強梁雲龍立

亞魁坊 為舉人蔡秉乾立以上三坊在梁陳都

文魁坊 為舉人王忱立在那祝村

遴魁坊 為舉人鄭楷立

世第坊 為舉人鄭昂立在那祝村

月桂坊 為舉人馮士俊立

冠英進士坊 為符銘立

世科坊 為舉人符奎立

奎光坊 為舉人符貞立

襲桂坊 為舉人馮源立

聯桂坊 為舉人馮濬立

亞元坊 為舉人周冕立

繼芳坊 為舉人周諤立

海天一鶚坊 為舉人梁繼立以上俱在

都 那 邑

世科坊 為舉人陳復陳維翰陳大烈立 在博

都 邁

聯芳坊 為舉人林宗哲立

世科坊 為舉人林汝常立

光裕坊 為舉人馮濟立 以上三坊俱在大林

都

鍾秀坊 為舉人蒙亨蒙克昌父子立

尚賓坊 為舉人林元立 以上二坊俱在演順都

冲霄坊 為舉人張翹立

世美坊 為舉人張緒立

青雲步武坊 為舉人張汴立 以上三坊俱在官隆都

擢桂坊 為舉人吳忠立

麟魁坊 為舉人吳言立 麟舊志誤作遜

林桂坊 為舉人鄧林立 以上三坊俱在大攝都

擢秀坊 為舉人馮海立

折桂坊 為舉人馮顯立 以上二坊俱在蘇尋

都

登第坊 為舉人馮經立

世賢坊 為舉人陳鱗立

都

登龍坊 為舉人黃輪立以上三坊俱在烈樓

雲衢坊 為舉人張誠立張吳都北拱村

恩榮坊 為舉人李芳立

都英

魁英坊 為舉人陳侃立以上三坊俱在大小

挺秀坊 為舉人王謨立

登瀛坊 為舉人廖忠立

登科坊 為舉人陳衍立

青雲坊 為舉人符仲新立

丹桂坊 為舉人薛預立

登雲坊 為舉人符九容立

攀龍坊 為舉人張善教立

達林坊 為舉人陳復立

聯桂坊 為舉人林裔林疊立

村。以上俱舊志

瓊臺書院坊 在道署西後

再移建縣前街瓊臺書院大門坊 為巡道焦映漢建今地石額存

東閣龍圖坊 在東門內上街崇禎九年提學蘇寅寅立今地石刻存

海濱鄒魯坊

在縣學前

孝行坊

為孝子吳位和立

瀛洲首選坊

為翰林院編修吳璵立

桂苑聯芳坊

為進士吳璵舉人吳珪立

孝友坊

為鄭存禮立

科甲聯芳坊

為進士唐舟唐亮唐緇唐

胄唐穆解元唐次道唐瀛伯舉人唐敬唐虔唐卿唐翺唐輝武舉唐褒立

道義之衢坊

明教諭趙謙立

雲路鵬程坊

在城外西南隅

登瀛坊

為舉人王儼立

秀毓天南坊

在海口東門內海門社學前舉人溫有章建後有文瀾學海四字

進士坊

為御史馮禹立

文魁坊

為舉人馮翰士立

都美帖村

文魁坊

為舉人符元禮立

文魁坊

為舉人吳金立

捷步瀛洲坊

為舉人洗沂立一面刻世科為舉人洗桂秀立在東潭都洗村

科甲聯芳坊

為進士周宗本周世昭舉人周潔周昇周奇健周貞周仲良周鳴皋周著

周溥周尙賓周景立  
在東洋一都員里

鳴陽坊

為舉人黃詔立在麻釵圖

兄弟廷貢坊

為歲貢博羅訓導陳師孔桂大有立在麻釵圖

進士邦伯坊

為林養高立  
在射釵圖

登龍坊

為進士吳文助  
立在梁老都

文魁坊

為舉人吳尙賢立  
在暫都美儒村

萃美坊

為歲貢任靖江王府紀善張彰立在梁陳二都

進士坊

為進士王之藩  
立在永興市

文魁坊

為舉人吳魁朝  
立在儒本村

桂林坊

為舉人陳輝斗  
立在烈樓都

進士坊

為進士王斗文  
立在烈樓市

桂芳坊

為舉人黃兆炳  
立在式金村

桂苑坊

為舉人村以寬  
立在道衢村

賢書坊

為舉人鄭文彩  
立在烈樓市

武魁坊

為武舉李有魁  
立在坡園村

義民坊

為王嗣賢立 在調塘一都道光十六年裔孫王明緝等重修

奉天勅命坊

為魁封滋陽縣丞附貢馮孝麟立 在美帖村

魁封坊

為大埔訓導王魁衡之父王簡立 在甘樵園與期頤偕老合坊

昇平應瑞坊

為陳訓妻例封安人吳氏五世同堂建在涇洲里新安村

昇平人瑞坊

為壽民王簡立 訓導王魁衡之父在亨裕都道聘村

期頤偕老坊

後刻昇平人瑞為壽民王簡王烈合立 在城西甘樵園外

貞壽坊四

一在遵都為歲貢蔡十朋母莫氏立 一在上那邕都為王寶鍾妻吳氏立 一在

德興圖木兌村為高函妻莫氏立 一在西城外往波泊大路邊為優貢陳韶中母蔡氏立 俱年

登百歲者

貞節坊六

一在北門外為鄺龍功聘妻陳氏立 一在調塘三

圖為林其收妻謝氏立 二慕坊在五里亭一為明貞烈李氏立 一為節孝洪黃氏立 一慕坊在



大較場為新埠村洪  
見邢聘妻馮氏立

### 節孝坊五十

一在縣前為馮潤妻陳氏立二在小  
北門內一為黃元先妻陳氏立一為

馮紹英妻黃氏立一在甘樵園為吳毓奎妻伍氏立一  
母唐氏立一在蓮塘村為廩生王翰學妻吳氏立

為何其熾妻王氏立一在東岸都為周建賢妻  
盧氏立一在桂林都為郭瓊秦妻林氏立一在大那邕

一在桂林都為郭瓊秦妻林氏立一在博盛都維秦村為杜常  
都為庠生梁啟學妻王氏立一在蘇尋都大志

輝妻職州同攀稜母游氏立一在射釵圖為生  
坡為歲貢馮鳴甲母雲氏立一在萬都二圖一在后雲

員陳元模妻黃氏立一在萬都二圖一在文興都為吳  
村前俱為周乘穹妻潘氏立一在文興都為吳

文河妻陳氏立一在羣孛村為陳以甯妻王氏  
立一在遵都為例貢吳世煥妻馮氏立二在遵

都疊里一為蔡勸妻王氏立一為蔡江妻覃氏  
立一在東洋都員里為周璧妻葉氏立一在梁

陳一都為梁士進妻曾氏立一在梁陳二都為  
蔡在智妻楊氏立一在梁陳二都為王柄妻梁

立一在智妻楊氏立一在梁陳二都為王柄妻梁

氏立一在 upstream 都為梁萬邦妻王氏立二在頓

林都博冲大路旁一為貢生王君極妻陳氏立

一為林家瑞妻吳氏立三在文林都一為馮偉運妻

吳氏立一為吳天運妻馮氏立一為吳元之妻

陳氏立一在博茂都為陳日晃妻張氏立二在

振文都一為楊朝選妻劉氏立一為李鍾芳妻

潘氏立一在   村為吳世卿妻蔡氏立一在

瑤城村東為庠生符運謨妻饒氏立一在湖塘

村為陳燦妻王氏立一在邁德村前為曾魁文

妻郭氏立一在   為高天位妻吳氏長男

之秀妻吳氏次男之拔妻潘氏立一在官隆一

圖青草村為庠生馮懷芳女王朝烈妻立一在  
調塘一圖皇瀛村為庠生陳邦祚妻劉氏立一  
調塘二圖長久村為林其英妻吳氏立一在聖  
鹿圖白石溪為張在賜妻符氏立一在蘇尋二  
圖福岷村為陳日炳妻林氏立一在大林一都  
龍坡村為辜宏昱妻張氏立一在開文圖為陳  
毓蛟妻周氏立一在麻叙圖嵩崙村為陳邦瑞  
妻鄧氏立一墓坊在城西南丁村前為符兆熊  
妻蔡氏立

一門雙節坊三

一在道衢村為杜鍾麟妻李氏杜玉麟妻張氏立一在蘇尋都大志

坡為馮枚妻雲氏馮棟妻韓氏立一在蒼原二都為覃魁晃妻馬氏覃純仁妻洪氏立

冰玉雙清坊

在北門外大慈寺右為拔貢任禮州判吳儒生母馮氏繼母粘氏節孝

立○以上郡志並採訪册



建置志十 古蹟 ○城池公署樓閣寺觀廢不復修者俱編入此類

珠崖郡漢置漢書註云郡在大海中厓岸之邊出

真珠故曰珠崖水經註云大海中南極之外對

合浦徐聞縣清明無風之日望珠崖州如圍廩

大今縣東南東潭都石凌村即其故址有瓊崖

嶺珠崖侯王廟今合祀在靈山 舊志增

崖州在縣東二十里本隋顏盧縣唐改名顏城武

德中置崖州於此今顏村側龍盧洞即其故址

舊志

舊州在縣東南六十里麻斂一都濱江築城引小

溪為濠址跡俱在宋開寶間廢唐武德中欲置

崖州於此適有飛樑之異始移於玳瑁縣而以

舊州名之舊志

按舊志謂移置瑋瑁縣誤蓋瑋瑁乃漢晉時縣

名隋改顏盧唐改顏城考唐時故無瑋瑁也郡志

又按舊志宋開寶五年始徙瓊山於今治築城

凡三里見城池類下而城邑考又云今府城唐貞觀

五年創置宋元因之二說互異據此則唐初所

移建者在顏城城邑考殆未之審耳而飛樑之

異今世俗流傳乃謂其在今治以舊名州似在

宋不在唐也不然唐於其故址既已號為舊矣

又何俟至宋開寶而後廢哉姑誌之以備參考

瓊山故城在縣南六十里本漢瑋瑋縣地唐貞觀

五年置以縣西六里瓊山得名輿地紀勝

舍城縣故城在郡城東北二百六十里隋大業中

置唐武德四年平蕭銑置崖州治舍城縣以舍

城水為名宋省入瓊山縣參通志按郡城東北

俱是海其地無二百六十之遠字疑有誤

顏盧縣城在廢舍城縣境隋置唐改顏城屬崖州

在今縣東二十里後廢郡志

武德縣城在縣東南陶公山下隋置廢郡志

瓊臺在府治西唐設都督府宋置瓊管安撫都監

皆稱臺舊志

貢院在縣北天寧寺傍宋南渡瓊設科取士於此

試期以六月額十三名見方輿志舊志

舊縣學宋置在海口浦元因之明洪武間知縣李

思迪遷於郡東東坡書院九年知縣陳棨復遷

於南郊築考古臺宏治十一年副使陸淵遷附

府學臺廢今基址猶存舊志

布政分司廢行署在府署左後以崇文書院為之

今圯郡通志

石山巡檢司明洪武初設在縣南七十里邁別都

知縣李思迪建永樂丙戌曾委帶銜巡檢土舍

王觀朝權理撫黎今廢舊志



稅課司廢署在府西北

郝通志

蕃民所在海口浦即今海田村元建所置官立其

長麻林為世襲總管今子孫為蛋戶

舊志

河伯所在海口城外今廢

郝通志

遞運所在城北十里海口都明洪武九年創設以

便遞送渡海公文隆慶戊辰裁今廢

全上

星輶驛在白沙口宋建今廢

全上

按郡志古蹟有元海北海南道分司廢署明察

院廢行署海南提學道舊行署理刑推官督糧

通判廢署瓊山縣廢署縣丞典史舊署已詳各

公署中不再錄

海口舊公館明成化間創建於北城外天后廟左

為各官渡海駐節之所久廢今改為天后宮舊志

增

白沙公館在城北十里今廢黃通志

趙汝郡志汝瑒作與營在白沙口宋趙汝瑒率義兵拒

元死節於此舊志

鐘樓在譙樓左縣學後右明洪武間乘昭建樓久

廢今改建縣學明倫堂其鐘即移府城隍廟內

舊志

增

瞻雲樓在府治後明嘉靖癸丑知府張子宏建久

廢舊志

海天一眺樓在倉後城上郝志作今廢舊志

海山樓在舊道前宋建久廢舊志

海雲樓在郡治宋建郝通志

郡城四牌樓在大西門外十字街久圯柱石大二

尺高三尺餘今尙存新增

海口四牌樓在海口所十字街今廢舊志

鎖鑰樓在小北門外久圯臺基尙存舊志增

寶勅樓在下田邱文莊公可繼堂後公爲大學士

時進大學衍義補賜一部勅公建樓藏之故名

今基猶存舊志

延桂樓明瓊山貢士所居大學士蔣冕記黃通志

蔚文樓在海口東門內海門社學前池中郡志今圮

東坡臺在縣東北舊開元寺東宋蘇軾嘗寄此鑿

一泉於臺旁題詩石柱云水向石邊流出冷風

從花裏過來香今稱東坡寺舊志按開元寺在

南橋當依郡志作在郡城東南

考古臺明洪武間縣令為教諭趙謙築在縣學內

後遷學廢舊志

風月臺在縣治旁宋建一統志

尊經閣在府學後久廢舊志

貞明閣在崇文書院後明副使陳茂義建久廢舊志

增

鑑空閣在城西宋建郡志

望闕亭在張吳都顏村唐崖州基址宰相李德裕

貶時建舊志郡志云唐時崖州城在郡城東二

十里李德裕望闕亭詩云獨上江亭望帝京鳥

飛猶用半年程江山只恐人歸去百匝千迴繞

郡城可見亭與郡城不遠今通志改入崖州蓋

未考唐之崖州即瓊山縣東境也

演武亭在大教場縣北鎖鑰門外明成化間副使

涂棻以勅書內飾邊二字名其亭建於演武場

翰林張元禎撰碑久湮國朝郡丞潘廷侯磨

刮苔蘚出之俗誤稱為定風碑舊志

麗澤亭宋建在郡學門外亭建水中跨橋以登遍

植芙蓉最為勝概因守帥游讌頻數校官厭於

應酬遂廢舊志

廣蔭亭在城東一里宋隱士唐文嚴建初名松軒

翰林學士陳士徽易名元萬戶解珣遷建於通

衢舊志增

知樂亭在城南放生池上宋郡守韓璧建朱文公

記明初廣城湮其半今鐘樓南街微存遺址舊志

增

申明旌善二亭在縣門前今廢舊志

瑞蓮亭元建在府城南有雙池蓮開並蒂適元文

宗來遊亭上顏曰瑞蓮久廢址存舊志

魁星亭在縣學右今地舊志

表賢亭在大城西成化丁卯副使涂棊建以表尙

書薛遠都御史邢睿學士邱濬僉事林傑及諸

縉紳之賢順治辛卯風雨傾圮礫石猶存上全

雁塔亭元建在城南門外雁塔峯上明萬厯間郡

守唐可封移郡學後三元碑豎於峯上欲築塔

爲兩學文筆不果上全

柔遠亭在郡北五里官道明天順間暹羅使臣黃

坤普倫建今廢上全

南溟奇甸亭在郡北五里官道明宏治間以石建

今廢上全

濱淪亭在子城西永樂間教諭張善教建久廢上全

老農亭在城南久廢上全

教鋤亭康熙四十七年為知縣王贊立瓊屬種田

多不知耘王公捐俸製鋤千把散給各圖為式

且親履田間命家僕下田把鋤以教之農人為

之立亭以紀其功上全

野花亭在學士莊前邱濬記郡志

樂耕亭在墨客村明海瑞記郡志

留耕亭在城東一里明景泰間隱士唐寅建邱濬

記郡志



靖端臺并虛白緩帶退思平理燕喜等堂皆在舊

府治又有節愛超然風月三堂在舊通判署皆

宋建久廢舊志增○靖端臺舊志作靖端堂今遵一統志改正

六瑞堂在城南放生池上譙樓下宋時三開雙蓮

故名郡守王光祖建謝諤賦詩及題匾元嘉泰

二年萬守重建增亭蔣琬記 國朝乾隆三十

五年移建縣學於其地遂因放生池為泮池舊志

增

錦衣堂在東坡書院內邦人以蘇頲濱續東坡詩

有衣錦他日千人看之句就坡院築錦衣堂騁

豐軒刻進士題名舊志

夢宸堂在兵備後堂副使涂棐建邱文莊記全上

期范堂在兵備前堂副使涂棐建張元禎記全上

世德堂在城西宋戶部侍郎沈翥之孫悌建黃通志

可繼堂在城西北隅明大學士邱潛家以祖普惟

有雙孫可繼宗句名堂有記郡志

敬事堂在明昌塔下明萬曆間給事中許子偉建

塔時構堂祀邱文莊公海忠介公請支府地稅

銀每年春秋致祭四十四年郡邑庠生以許給

諫建塔功呈請道府附祀本舊志

永日軒李德裕建公窮愁自序有消此永日所以

解憂之句後人遂匾其所居軒以寄思焉舊志

霜筠軒在城南洪武末處士王惠建黃通志

竹軒在城西一里明成化間處士唐瑜所居郡志

桐墩書舍瓊州陳徽於郡城東二十里得此墩高

可十數尋樹桐數十本築室其麓藏書若干卷

名曰桐墩書舍明邱濬有記劉巖為序瓊臺會稿

開元寺即古乾亨寺在南橋宋建今廢舊志

普明寺在府城南元文宗潛邸於此創觀音閣及

還即位賜釵萬錠市地建為大興龍普明禪寺

天詔湖廣行省臣玘璐不花及宣慰宣撫二司領

其役仍命廉訪司涖之學士虞集有記乾隆十

一年知縣楊宗秉倡捐募修今廢舊志增

三山菴在郡東五十里符離都惠通泉側卽宋蘇

軾飲泉處今廢

舊志

天朝古塔在海口都久廢

上全

放生池在城南譙樓下宋時韓璧鑿上有知樂亭

大瑞堂今鐘樓南街尙存遺址

上全

下田村在城西北一里明邱濬故居

一統志

今日金

花村

學士莊在城西二里明成化初邱濬爲學士時建

並記

瓊臺會稿

海宅塘村在城西北隅一里明海瑞故居今名朱櫛

里新

增

東臯在蘇尋都東距郡城六十里明處士黃鈺隱  
此鈺與邢宥邱濬王佐諸人遊處有巢許之風

郡志



建置十一 塚墓

唐

戶部尚書吳賢秀墓在縣東三十里牛欄坡之原

明工部郎中遠孫吳會期重修 舊志下全

禮部尚書辜璣墓在城東一十五里多羅坡之原

馮公墓明宣德間村人耕陶公山下掘得一塚其

中深邃有碑石云大唐賜紫金魚袋馮公墓翰

林學士李吉甫撰文或以為高涼郡守譙國公

馮寶墓按朱子通鑑綱目書陳永定三年馮寶

卒又隋史譙國夫人冼氏傳書夫人没于隋元

壽初墓在電白縣則寶墓固應在彼况寶之孫

智戴曾待宴于太宗貞觀七年而李吉甫為學士在憲宗元和之初智戴去吉甫已一百七十餘年寶之死豈不尤遠決非寶墓明甚大抵寶洗國於此土隋唐間開府置官子孫世為南越君隋又以臨振郡為洗氏湯沐邑贈其孫僕為崖州總管唐崖州在瓊山意此墓乃寶之子孫也但失其名耳上全

宋

瓊管安撫司林暹墓在城南舊州之原郡志下全

朝議大夫何興墓在城西潭口村土名九嶷山

進士何一鵬墓亦在九嶷山



兵部侍郎贈觀文殿大學士兼樞密院謚文義

王居正墓在城南二十五里邕陽都潭謝村有

諭祭碑上全

明

教諭趙謙墓在城南門外六角井之右唐胄修之

墓誌久湮海瑞重修有碑記 國朝乾隆間生

員林淇棻修嘉慶二十四年賓興值專修符魁

泰督理道光十六年教諭黃玉銜訓導吳家樹

相俸率諸生致祭歲以為常郡志 增

儒者王惠墓在蒼驛都多閃地舊志 下全

進士王克義墓在陶公山馮公墓前嶺坡地 即今三

御史唐舟墓在蒼驛都雲亭山

大學士邱文莊公濬墓在五原都五龍池水頭村

南夫人吳氏合葬有諭祭碑刑部尙書何喬新

撰神道碑舊志增

解元唐濂伯墓在蒼屹山王佐詩云他時若問田

邊墓嶺海南來第一人

太常寺卿夏昇墓在博蒼山有諭祭碑

侍郎唐胄墓在陶公山下有諭祭碑侍郎鍾芳撰

墓誌銘舊志增

御史俞宗梁墓在蒼驛都南正之原

御史陳實墓在陶公山下侍郎邵寶撰墓誌銘舊志

增

侍郎鍾芳墓在蒼原都鍾宅坡村後賜諭祭祭酒

黃佐撰神道碑銘舊志增

御史馮禹墓在蘇尋都蒙山賜諭祭

知府陳天然墓在南橋

員外唐穆墓在香根村

知府王儼墓在白水塘

參政鄭廷鵠墓在蒼驛坡鄭家村前

副使黃顯墓在定安金雞嶺

參政黃宏宇墓在元墩嶺

右都御史謚忠介海瑞墓在濱涯村賜祭葬

按察使林震墓在射釵圖大塘之原

副都御史梁雲龍墓在龍坡賜諭祭

工部郎中吳會期墓在雲亭山西

戶部郎中唐翺墓在蒼驛水果山

以上俱舊志

知府鍾允謙墓在城北教場之原

郡志下全

舉人王忱墓在烈樓都大學士楊廷和撰墓表

中書舍人符銘墓在上那邕都博蒼地

舉人都察院經歷洗沂墓在龍塘鄧家地

知府張允佳墓在城北金粟菴後

上全

鄉賢陳常墓在雙坡贈牛之原

採訪冊下全

鄉賢陳應辰墓在大林雲山坡

鄉賢陳大有墓在城西蒼驛村

給事中許子偉墓在陶公山下坡崙村合水之原

大學士蔣德璟撰墓表

鄉賢吳錡墓在府城南三元峯地

鄉賢黃宏憲墓在博盛都通平坡上



建置志十二 樓閣

時舊在

文明樓卽譙樓又名鼓樓在舊衛前明洪武間衛使王友劄樓三級成化辛丑指揮李泰增砌臺基副使涂棐鑄銅壺滴漏萬厯戊子夏因製銃失火樓燬己丑年副使孫秉陽郡守周希賢移建於東門內爲鎮東樓郡守涂文奎移還故址乙巳地震復圯乙卯尙書王宏誨知府謝繼科推官傅作霖重建又廢康熙三十三年郡守張萬言捐俸建復雍正十一年太守宗思聖重修改名文明中祀文昌魁星像撥府義學原置北冲都攀丹北雅等處田并鋪六間爲香燈乾隆

三十四年知縣秦其燭集紳士重修五十三年  
邑紳吳典等倡捐與府縣文廟一體併修道

光三年撥田鋪租歸書院支給

舊志增

洞酌亭在城東北里許東坡得雙泉於此郡守承

議郎陸公建亭覆之並求亭名與詩東坡名之

曰洞酌歲久雙泉與亭俱廢明萬厯間郡守謝

繼科別建食源亭於金粟泉上而移洞酌亭於

城內之東坡井後俱圯至國朝乾隆年間學

使翁方綱復建亭於東坡書院前金粟泉之右

補題其額曰洞酌道光四年復圯巡道周鳴鑾

知縣張德馨重修

郡志



按城內東南隅有東坡井舊志云保城

外明初廣城始圍入城內東坡嘗飲息其處故

名萬厯時雙泉久廢謝繼科以此井舊在城外

當與金粟泉為雙泉因建洞酌於東坡井上今

其碑記亭址尚存考東坡海外集云雙泉相去

咫尺而異味東坡井距此里許其味又常與坡

公語不合非當日之雙泉可知亭不當移建於

彼也餘詳卷三井泉類茲不贅

說本  
部志

洗心亭在金粟庵前乾隆癸丑知府葉汝蘭題額

亭與觀稼相通係將庵廬改建今仍屬庵

新  
增

觀稼亭在金粟泉上康熙甲申年知府賈棠重修

道光十四年冬幕客山陰施惠及郡縣諸友捐

修護道張培春有記

舊志增

清惠亭今名五里亭在郡北五里萬厯間郡守倪

棟建康熙四十七年知縣王贊買海口一王永

昌地十二畝零南至貞節坊北三十丈東西俱

十丈除糧米一斗置房十餘間招民居住儼成

村落亭久廢道光二十五年亭傍寺僧募修

增

舊志

懷沙亭在郡西十里小英村樂古書院內明宏治

間提舉司汪廷貞立義學走書幣往聘陳白沙

辭不就廷貞以其復東勒石而建亭

舊志增

懷沙以誌思慕後亭圯邑紳陳家修

等

捐修歲久又圯道光七年紳士陳瀛柯拔萃等

修復義學因併建此亭

郡志

白沙復棟今勒亭

中可據舊志作白沙社學記誤

Faint vertical text columns, likely bleed-through from the reverse side of the page. The text is illegible due to fading and ghosting.



建置志十三 寺觀

天寧寺在城北一里西廂一宋建爲天南寺元更  
今名明洪武癸酉僧錄司拆無名額菴堂與舊  
天寧寺歸併移于今址建造殿宇及二廊普菴  
六祖講堂丁丑指揮桑昭捐建二殿三間額匾  
俱教諭趙謙書郡邑迎詔官師習儀皆在此寺  
明永樂間知府王修匾其門曰海南第一禪林  
設僧綱司正統六年文昌鄉老韓真祐捐資重  
建正殿八年知府程瑩以湫隘又闢地遷于後  
爲觀音閣于舊址重建大雄寶殿暨諸樓閣法  
藏齋堂僧舍咸備御史唐舟碑記成化間都綱

普明重建二堂及外門知縣陳暉碑記正德丁

丑秋善慧捐資重建觀音閣及修正殿普菴講

堂四大天王等宮萬曆戊午唐可封于正殿後

建藏龍亭名曰萬壽乙巳地震傾圮知府翁汝

遇重建萬壽亭僧普宥護印募修正殿尙書王

宏誨有記 國朝康熙十八年總兵佟國卿副

使范養民重修乾隆十年知縣楊宗秉倡捐修

葺後殿重建大殿金剛殿併重塑金像復為風

雨傾圮三十八年總兵李耀先首倡闔屬吏民

捐修寺內原有田三十六丁

舊志  
下全

大士菴在總鎮府左明崇禎庚辰推官羅其倫建

今改準提閣閣前舖三間被兵占住僧體用捐  
貲贖回

蓮花菴在東門內明崇禎間指揮李開永妻王氏  
捐資創建王氏即王忠銘女

真如菴在郡治西門外林公廟之左

西竺菴在北門外康熙二十四年馬日炳建舊志增

香巖菴在城外西南隅面蒼屹山仙人洞初僧別

山募建爲颶風傾圮康熙乙卯年僧本資自曹

溪來卜居于此分巡道范養民瓊山縣知縣茹

鉉爲拓基創建癸酉年總鎮唐光堯重修前殿

乙酉年樂會縣知縣繆宗儀爲募修兩廡

淨土菴在南門內縣學右

下窰明昌塔在郡城北三里許下窰村前明萬厯間知府涂文奎給事許子偉及鄉士夫同建傍有敬事堂文昌閣關帝廟置田一十五丁後僧一瀝募改建大悲閣乾隆三年僧法空重修六年郡守張秉義遷關帝廟于攀丹村之聯壁坊道光十六年護道張培春首倡官紳同修大悲

閣

舊志增

文峯塔在城外西南隅八里許大來都地方附近丁村橋南高埠處瓊士謂此塔興廢關一郡文風盛衰自塔圯六十餘年科第寥寥康熙甲申



知府賈棠于塔舊基建長杆以助文明乙酉科  
瓊郡獲舉者六人瓊山姑四賈公遂倡助重建  
除各官紳捐金三百外瓊山知縣王贊費六百  
金董其成有碑記乾隆十一年知縣楊宗秉修  
三十八年復圯紳士吳位和杜攀棧等重建道  
光五年郡守呂子班集邑紳捐修舊志增  
三多堂在城外西南乾隆十年知縣楊宗秉倡捐  
募修增建後殿祠宇三間

太華祠在城西關乾隆十一年知縣楊宗秉倡捐  
募修

金粟菴原在金粟泉上明萬曆四十三年知府謝

繼科創建今在二蘇祠右乾隆十二年知縣楊宗秉倡捐重修正殿三楹增建右側禪堂三楹大門三楹

淨禪院在大挺都地方院內祀符姓神聖蹟歷著

禱雨立應乾隆十二年知縣楊宗秉據鄉人呈

請入志以上俱舊志

觀音閣在鎮署後乾隆間建郡志

準提閣在浮粟泉二蘇祠左康熙五年遊擊易知

捐建以祀準提年久損壞二十五年郡守佟湘

年等以其地改建二蘇祠移準提像于金粟菴

見舊志  
浮粟井

玉皇廟卽故三星觀在城北天寧寺左宋名天慶

觀宣和元年御書神霄玉清萬壽宮碑元改今

名明永樂間照磨廖均錫重建知府王修題曰

瓊臺仙境後圯康熙二十年重修乾隆三十八

年總兵李耀先首倡吏民捐修道光十年知府

普祥率闔郡官紳重修

郡志下全

地藏宮在天寧寺左明萬厯間尙書王宏誨同鄉

人募建屢圯屢修

郡志今謂之十王殿

三元宮原在小北門內商人張朝肅捐建後商民

錢中節盛尙志等遷於北城外河畔增建玉皇

閣觀音菴道光十五年護道張埴春率官紳重

修

大士院在海口所南門內明初建成化間修有碑  
彌陀菴在城東一里攀丹村

白衣菴在城北五里官路清惠亭側明萬厯間知  
府倪棟建順治間署分巡兵學道戚元弼遷建  
南橋之右仍舊名雍正間副使王元樞改名圓  
通寺 今清惠亭側其菴尙存

廣會寺在總兵署左明崇禎間推官羅其倫建

大慈寺在郡城小北門外演武亭西乾隆間巡道

吳九齡邑紳吳位和仝建

泰華菴在城西門內草衙巷

萬壽菴在城內丁字街乾隆間建

廣濟菴在海口紅坎坡乾隆三十四年邑人嚴孔

熾鄭邦佐等建

西榮菴在城西南右營守備署右康熙間文昌知

縣馬日炳建道光十六年重修

善惠菴在郡城小北門外康熙間建

西來菴在城西南八里文峯塔旁

清源菴在郡城小南門外鵬程坊之側

湧泉菴在邁別一都康熙年間知府王公建道光

十年鄉人重修採訪冊

慈濟菴在城東九十里蘇尋二圖下村山地乾隆

癸卯年歲貢馮鳴甲母雲氏建並立香燈田數

十畝

全上

涇槃塔在縣南一百七十里西黎都塔盤嶺上

郡志

文筆塔在縣西四十里那秋村乾隆二十八年監

生吳維均等捐建

全上

文峯塔在縣西四十里式金村前例貢杜騰雲等

捐建

採訪冊

瓊邑梵宮多至一百數十所不能悉採入編茲

但於舊志所載者仍之郡志所列者登之其餘

則概從略

建置志十四 養濟

養濟院在城東關內原額孤貧四十五名口原額  
銀八十七兩八錢八分每名合支銀一兩九錢  
五分二厘八毫康熙四十五年太守賈公棠捐  
置陳廂二土名河口田二十七工大小八坵雍  
正五年太守宗公思聖知縣楊仙椿詳撥奉裁  
天主教內打鉄田三丁大小七坵苗米三斗在  
澄邁新安圖另戶輸納每年租米六十四筭又  
雍正十二年太守宗公思聖知縣鮑啟泌買置  
土名梁田洋田三丁每年租米一百二十筭內  
除三十筭納糧外存米九十筭給流丐贍養乾

隆三年奉文自本年始每名每日給銀一分歲  
共銀三兩六錢并飭署縣事張瑄查報額外孤  
貧四十七名口乾隆九年奉文額外孤貧在于  
該年田房稅羨銀內赴司請領散給照依額內

孤貧之例

舊志  
下全

育嬰堂在北城外天寧寺傍康熙四十四年知縣

王贊建

上全

產嬰堂在海口城內馬房坊乾隆元年水師副將  
蘇福倡率士商捐建房屋兩座共十間

上全

養病所座育處在縣治右旁屋各二間道光二  
十年署知縣許夢麟建以居病人產婦之無家



者有碑新

增

普濟堂在城北五里亭舊有藥王殿久廢乾隆三

十六年奉行查建普濟育嬰二堂巡道王錦知

府孫琦知縣李玉樹捐俸復建堂三楹房四十

間又勸紳士商民捐銀七千兩有奇置田收租

并發商生息以爲堂中經費三十七年巡道德

成知府蕭應植署知縣閻睿蒲督同紳士籌畫

除歷年修造工費外實尙存銀六千餘兩當卽

置買文昌定安二縣土名調軍嶺卽軍門嶺等處水

旱田共五百八十二坵零用價銀三千五百兩

道光三年因各佃欠租盜典田畝經紳士控追

前道周鳴鑾委試用從九品王肇璜鋪道巡檢  
司陳啟南勘丈核計實得田六百九十四畝七  
分三厘七毫六絲共爲五百九十二坵開列弓  
步田形造冊詳報在案其餘銀二千五百七十  
兩原發澄邁縣飭令置買田畝嗣據澄邁縣將  
銀繳回存貯瓊山縣庫遞年止收文定二縣田  
租不敷支給先後動用澄邁縣繳回田價銀一  
百兩尙存銀二千四百七十兩至乾隆五十三年  
交原捐紳士溫世澤等八家經理生息每年  
約繳息銀二百餘千梟同田租支給至道光四  
年署瓊山縣于學質以紳士經理日久恐滋弊

端令八家將所領銀二千四百七十兩繳還到  
縣歸官辦理隨即買瓊山倒牛庄等處田共一  
百一十坵用價銀一千二百兩又支銷雜費銀  
七十兩除外實存銀一千二百兩由瓊山縣發  
當商生息道光十二年瓊山縣梁弼挪移動用  
旋解任去邑紳呈明巡道王鑄批令瓊山縣仍  
照舊按月支給口糧其生息本銀一千二百兩  
候咨追梁令措還歸欵現在尙未清繳其息銀  
每年由瓊山縣捐給普濟堂前後置買田地坵  
段租息并發當商本息銀數備列于後

一文昌縣軍門嶺等處水田五百七十五畝九分

一 八厘六毫七絲計四百零一坵旱田一百一十四畝七分五厘零九絲計一百九十一坵每年共額租錢三百千文

一 瓊山縣例牛庄等處田一百一十坵種子十九石六斗四升每年共額租錢一百三十三千文

一 由瓊山縣發當商生息本銀一千二百兩按月以一分生息每年收息銀一百四十四兩分兩次繳完

以上每年通共收得租錢四百三十三千文又息銀一百四十四兩

一 道光五年署知縣張德馨奉查普濟堂藥王廟

原有定安縣征解檳榔稅一欸查此項銀兩有  
解無支即將此項銀兩復造普濟堂房屋十六  
間大門一間并修舊房屋三間等處垣墻

一孤貧原額八十名

一每月每名給口糧錢五百文

一每月支玉皇廟香燈錢三百文

一看堂夫一名每月給工食錢九百文

一水夫一名每月給工食錢四百文

一孤貧如有病故支給收埋棺本錢一千六百文

一遺缺即日補充年貌註冊勿致頂冒

一每年租息除發口糧工食外如有贏餘每名冬

季加給棉衣一件

一補充孤貧額缺瞽目者已有款項在縣另給不

得兼充

以上俱  
郡志

義莊在北門外大慈寺前道光十五年護道張瑄  
春率幕僚等倡捐購地創建凡客死于瓊者皆  
得寄厝庄內中爲地藏王殿三楹東西小屋各  
八間大門二門各三間莊後餘地東二十六丈  
北十一丈西二十四丈南十三丈五尺東廊後  
餘地長七丈五尺廣四丈五尺西廊後餘地長  
九丈五尺廣三丈如有寄棺年久無親屬領運  
回籍者卽于餘地內坐葬該地每年應納市稅

糧銀二兩瓊山縣認捐代納又因庄內經費不足將商民余春泉等先年所捐孟蘭會生息銀三百五十兩及已故澄邁司巡檢魏灝遺存瓊山澄邁縣庫共銀二百二十兩零一併撥入義莊置買田產公舉海關內館專司其事咨明關部行府縣有案并立碑記條規于莊內以垂久

遠檔察

漏澤園在城北教場西明成化間瓊山知縣周宣買民地創建東西五十二丈南北五十丈周繚

以垣舊志

義塚在郡城外西北隅五里許前知府湯愛鼎于

康熙三十六年捐買荒地一坵收瘞無主枯骨  
四百有奇立有碑記三十八年知府賈棠又增  
買旁地收瘞寺觀寄存無主二百二十一棺其  
棺上原有姓名籍貫者各為立石識之四十五  
年又查各廟宇寄存無主十一棺于清明日焚

瘞  
土全

鄭宅施地蘇宅捐地俱在城西四里二水村  
新